

T R 9301 / 3138

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 22 1968

8

穀玉類編卷四十五

哈佛大學漢和  
圖書館珍藏印

休寧 汪兆舒果齋輯

羽毛類一

鳳 孔雀 鴉 鷓鴣 雞

鶴 鸚鵡 黃鸝 鷺

鷹 鸚鵡 鳩 鷺 鴨

雉 鸚鵡 雀 鷗

鷹 烏 燕 鴛鴦

鳳

羽虫三百六十。而鳳爲之長。

孔子家語

丹穴之山有鳥狀如鶴。五色而文。名曰鳳。首文曰德。翼文曰順。背

文曰義。膺文曰仁。腹文曰信。見則天下安寧。山海經

鳳生丹穴之山。雄曰鳳。雌曰凰。其雛為鸞。鸞棲梧桐。食竹實。飛則

羣鳥引從。韓詩外傳

鳳六象九苞。六象者頭象天。目象日。背象月。翼象風。足象地。尾象

緯。九苞者口包命。眼合度。耳聰達。舌屈伸。色光彩。冠矩周。距銳鈞。

音激揚。腹文戶。論語摘襄聖

黃帝齋於中宮。有鳳凰集。或止帝之東園。或巢於阿閣。或鳴於庭。

其雄自歌。其雌自舞。宋書符瑞志

少皞肇之立也。鳳鳥適至。故紀於鳥。為鳥師。而鳥名。左傳

簫韶九成。鳳凰來儀。書經

周之興也。鸞鸞鳴於岐山。韓詩外傳

周成王時。鳳凰翔庭。王援琴而歌曰。鳳凰翔兮于紫庭。余何德兮

以感靈。賴先王兮恩澤。臻于胥樂。兮民以寧。宋書符瑞志

宣帝時。鳳凰集祓祲於所集處。得玉寶。起步壽宮。下詔赦天下。後

間歲。鳳凰集上林。乃作鳳凰殿。以答嘉瑞。漢書

光武建武八年。鳳高八尺。毛羽五色。集潁川郡。羣鳥並從。蓋地數

頃。留十七日乃去。後漢書

辛繕隱居華陰。有大鳥高五尺。五色備而多青。棲繕槐樹。太守以

聞。詔問百僚。咸以為鳳。太史令蔡衡曰。凡象鳳者有五。多赤色者

鳳。多青者鸞。多黃者鷩。雛多紫者鸞。鸞多白者鷩。鷩今多青。乃鸞

非鳳也。上善其言。漢書決疑注。

文帝元嘉十四年。大鳥二。集秣陵民王顓園中李樹上。毛羽鮮明。文采五色。聲音諧和。眾鳥如山雞者隨之。如行三十步。頃飛去。揚州刺史以聞。詔改所集永昌里曰鳳凰里。宋書

真宗景德元年五月庚寅午時。白州有三鳳入城中。眾禽圍繞。至萬歲寺。棲百尺木上。文五色。冠如金盃。申時去。畫圖以聞。宋史

鶴

鶴鳴于九臯。聲聞于野。詩經

鳴鶴戒露。白鶴也。此鳥性警。至八月白露降。流於草上。即高鳴相警。移所宿處。慮有變害也。風土記

鶴知夜半。鶴水鳥也。夜半水位。感其生氣。則益喜而鳴。春秋說題辭

滎陽郡西有蘭岩山。常有雙鶴。素羽皦然。日夕偶影翔集。傳云昔有天婦隱此。年數百歲。化成此鶴。神境記

周穆王南征。一軍盡化。君子為猿。鶴小人為沙蟲。抱朴子

狄人伐衛。衛懿公好鶴。鶴有乘軒者。將戰。國人受甲者皆曰。使鶴。鶴實有祿位。余焉能戰。左傳

遼東城門有華表柱。忽有一白鶴集柱頭。少年欲射之。鶴乃飛。徘徊空中而言曰。有鳥有鳥。丁令威。去家十年。今始歸。城郭如故。人民非。何不學仙。冢纍纍。神仙傳

荆州府有鶴澤。澤中多鶴。羊祜鎮荆州。取以教舞。娛賓客。廣輿記

支公好鶴。有人遺其雙鶴。少時翅長欲飛。支意惜之。乃鍛其翮。鶴  
軒翥不復能飛。乃反顧翅。如有懊喪意。支曰。既有凌霄之姿。何肯  
爲人作耳目。近玩養。令翮成。直使飛去。世說

噲叅養母孝。有元鶴爲人所射。窮而歸叅。叅收養療治。瘡愈。放之。  
後鶴雌雄雙至。各銜明月珠。以置叅家。述異記

王仲德鎮彭城。左右出獵。遇一鶴。將二子。禽歸以獻王。王使養之。  
其小者口爲人所裂。不能飲食。大者輒含粟哺之。含水飲之。先令  
其飽。未嘗忘也。大者羽翮先成。每翥冲天。小者尙未能飛。大者終  
不先出。留飲飼之。又於庭中。騫躍教其飛。颺小者能飛。乃與俱去。  
庾域母好鶴。庾域在位。營求孜孜。不怠。一旦雙鶴來下。南史

益州有道士徐佐卿。化鶴於沙邱。明皇獵而射之。中箭而逝。歸謂  
弟子曰。吾行山中。爲飛矢所中。後箭主至。可以此箭付之。明皇幸  
蜀。識其箭。乃知佐卿之化鶴也。神異錄

林逋隱居孤山。畜兩鶴。縱之則飛入雲霄。盤旋久之。復入籠中。逋  
常汎小艇西湖。諸寺有客至逋所。則童子應門延客坐。爲開籠。縱  
鶴。逋必棹小船而歸。蓋常以鶴飛爲客至之驗。世說

陳洪進在泉州。日有蒼鶴翔集內齋前。引吭向洪進。洪進視之。有  
魚鱗其喉。卽以手採取之。鶴馴擾齋中數日。而後去。人皆異之。宋史

彭淵材迂濶。好怪。常畜兩鶴。客至。誇曰。此仙禽也。凡禽卵生。此禽  
胎生。語未竟。園丁報曰。鶴夜生一卵。淵材呵曰。敢謗鶴耶。未幾。鶴

展頸伏地復誕一卵。淵材嘆曰：鶴亦敗道。吾乃為劉禹錫嘉話所誤。墨客揮犀

徐渭貌修偉白皙。音朗然如唳鶴。中夜呼嘯有羣。鶴應焉。列朝詩集小傳

宋一鶴巡撫湖廣。屢建功。然亦往往蒙時詬。楊嗣昌父名鶴。一鶴

投揭。自署其名曰一鳥。楚人傳笑之。明史

### 鴈

仲秋之月鴻鴈來。季秋之月鴻鴈來賓。禮記

昏禮親迎。壻執雁入升堂再拜奠鴈。奠鴈取其不再偶

陽鳥攸居。陽鳥鴈也。書經

鴈知時鳥也。禽經一名翁雞。一名沙鷄。一名鷹。博雅及方言或謂

之鳴鵝。倉鵝。法言謂之朱鳥。正字通

鴈夜棲川澤中。千百為羣。有一鴈不瞑。以警眾也。師曠禽經曰：羣

棲獨警。博物志

北方有白鴈。秋至則霜降。河北人謂之霜信。談苑

衡山有迴鴈峰。秋鴈南翔即止。此不過畏熱故也。地里志

迦尸國有五百鴈為羣。鴈王名賴吒。有臣名素摩。鴈王為獵師所

得。鴈皆棄去。惟素摩隨逐不舍。語獵師請放我王。以身代之。雜寶積經

武帝行幸東海。獲赤鴈。作朱鴈之歌。漢書

度遼將軍皇甫規解官歸安定。鄉人有以貨得鴈門太守者。亦去

職還鄉。刺謁見規。規卧不迎。既入而問卿前在郡食鴈美乎。後漢書

虞國有孝行爲日南太守有雙鴈宿止廳上每出行縣輒飛逐車  
既卒官鴈逐喪還住墓前歷三年乃去會稽典錄

高宗太子引納妃裴有司奏費用白鴈適苑中獲之帝喜曰漢獲  
朱鴈爲樂府歌今得白鴈爲婚贄婚乃人倫首我則無慚唐書

編民有鴈戶謂如鴈往來無恒也

大曆二年嶺南節度使徐浩奏當管懷集縣陽鴈來乞編入史從  
之先是五嶺之外翔鴈不到浩以爲陽爲君德鴈隨陽者臣歸君  
之象也唐會要

梁方東攻兗鄆鄆州朱瑾募其軍中驍勇者黥雙鴈于其頰號鴈  
子都太祖聞之乃更選勇士數百號落鴈都以朱漢賓爲指揮使

五代史

陳登雲出按河南歲大飢人相食副使崔應麟見民啖澤中鴈矢  
囊示登雲登雲進之於朝神宗立遣寺丞鍾化民齎帑金振之明史

雉

華蟲作會華虫雉也書經

雉曰䟽趾禮記

鷓雉青質鷓雉即鷓雉長尾鳴雉黃色鳴自呼鷺雉山海經曰牝山之土秩

秩海雉鶴山雉雜雉鷓雉今白雉絕有力奮伊洛而南素質五彩

皆脩成章曰翬江淮而南青質五彩皆脩成章曰鷓即鷓南方曰

鷓此四方雉之名爾雅鷓此四方雉之名爾雅

士相見之禮。費用雉。儀禮

德至鳥禽。故雉白首。孝經援神契

有雉登聞耳。雉武丁懼。祖已曰。修德武丁。從之位。以永寧。史記

周成王時。越裳獻白雉。白雉王者祭祀不相踰。宴食衣服有節。則

至。孝經援神契

裴安祖曾行。值天熱。舍於樹下。有鷲鳥逐雉。雉觸樹而死。安祖愍

之。乃取陰地。徐徐護視。良久得蘇。喜而放之。夜忽夢一丈夫。著繡

衣。曲領向安祖。再拜云。感君見放。故來謝德。魏書

南安王楨。母疾憂毀異常。遂有白雉遊其庭前。北史

褚遂良為諫議大夫。時飛雉數集宮中。太宗問是何祥也。對曰。昔

秦文公時。有偃子化為雉。雌鳴陳倉。雄鳴南陽。偃子曰。得雄者王。

得雌者霸。文公遂雄。諸侯始為寶雞祠。漢光武得其雄。起南陽。有

四海陛下。本封秦。故雌雄並見。以告明德。帝悅曰。遂良所謂多識

君子哉。唐書

### 鷹鶴

歛彼飛隼。其飛戾天。詩經

鳩化為鷹。然後設罽羅。禮記

季夏之月。鷹乃學習。孟秋之月。鷹乃祭鳥。用始行戮。

鷹鷂。鳩。爾雅

隼。鶴屬也。齊人謂之擊。征或謂之題肩。或謂之雀鷹。春化為布穀。



此屬數種皆為隼。詩義疏

要離之刺慶忌也。倉鷹擊於殿上。戰國策

魏公子無忌方食。有鳩飛入案下。公子縱鳩。鳩逐而殺之。公子暮

而不食。曰：鳩避患歸無忌。竟為鷓所得。吾負之為吾捕得。此鷓者

無忌無所愛。於是左右捕得鷓二百餘頭。公子按劍至其籠上。曰：

誰獲罪無忌者耶？一鷓獨低頭不敢仰視。乃殺之。盡放其餘。列士傳

茂陵少年李亨以鷹鷓逐雉兔。皆為之佳名。鷹則有青翅黃眸青

冥金距之屬。鷓則有從風鷓。孤飛鷓。西京雜記

虞潭起義軍赴國難。至上虞。有野鷹飛集屋梁。眾懼。潭曰：起大義

而剛鷲之鳥來集。破賊必矣。會沈充已擒。罷兵。晉書

權翼諫秦王苻堅曰：慕容垂猶鷹也。飢則附人。每聞風颺之起。常

有凌霄之志。正宜謹其條籠。豈可解縱任其所欲哉？堅不聽。通鑑

太宗謂侍臣曰：李大亮可謂忠直矣。朕遣使至其所。見佳鷹。諷令

獻朕。大亮因密表朕云：陛下久絕畋獵。而使求鷹。若是陛下之

意。深乖昔旨。如其自擅。便是任使非人。朕覽表嘉歎。不能自已。有

臣若是。朕復何憂。唐書

太宗得鷓絕俊異。私自臂之。望見魏徵。乃藏於懷。公知之。遂前白

事。語久。帝惜鷓且死。而素嚴敬徵。欲盡其言。徵語不時盡。鷓死懷

中。

楊德幹。高宗朝為萬年令。有宦官恃貴。寵放鷓。不避人禾稼。德幹

資履堂

擒而杖之宦者袒背涕泣以示於帝帝竟不之問

申王有高麗赤鷹岐王有北方黃鶻每弋獵必置駕前目為決雲

兒天寶遺事

崔魏公鉉兒時訪韓晉公滉滉指架上鷹令咏崔吟曰天邊心膽

架頭身欲擬飛騰未有因萬里碧霄終一去不知誰是解縑人滉

曰此兒可謂前程萬里也全唐詩話

高駢初為司馬有二鵬並飛駢曰我且貴當中之一發貫二鵬焉

眾大驚號落鵬侍御唐書

折御卿進白花鷹太宗放之詔勿復獻宋史

荅里麻除大都留守文宗特賜白鷹以表其貞廉元史

洪武間翰林應奉唐肅有應制賦海東青一絕云雪翮能追萬里

風坐令狐兔草間空詞臣不敢忘規諫却憶當時魏鄭公自記云

是日上御奉天門外西鷹房觀海東青翰林學士宋濂因諫曰禽

荒古所戒上曰朕聊玩之耳不甚好也濂曰亦當防微杜漸上遂

起青溪暇筆

### 孔雀

孔雀一名越鳥梵書謂之摩由邏本草釋名

孔雀尾有金翠五年而後成初春乃生三四月後復凋與花萼俱

榮衰尤自珍愛遇芳時好景聞絃歌必舒張翅尾盼睞而舞性妬

忌自矜其尾遇服錦綵者必逐而啄之埤雅

孔雀有九德。一顏貌端正。二音聲清徹。三行步詳序。四知時而行。五飲食知節。六常念知足。七不分散。八少淫。九知反覆。佛以此喻比邱之行儀也。德行威儀經

李昉名孔雀曰南容。一名孔都護。一名文禽。述異記

世祖時西域獻孔雀。解人語。彈指應節起舞。晉公卿贊

宋孝武大明元年。廣郡獻白孔雀。以為中瑞。述異記

黃伯思嘗夢孔雀於庭。覺而賦之。詞采甚麗。宋史

鵠

鵠大於鴈。羽毛白澤。其翔極高。而善步。所謂鵠不浴而白。一舉千里是也。亦有黃鵠。丹鵠。湖海江漢之間皆有之。出遼東者尤甚。而

畏海青鵠。其皮毛可為服飾。謂之天鵠絨。本草集解

大溪藥水在房州。傳云昔有二鵠棲雙栢之上。時飲此水。居人因

取飲之。有疾皆愈。錄異記

元鵠。王者知音樂之節。則至。昔黃帝習樂。崑崙有元鵠。二八翔其

右。瑞應圖

魏安釐王觀翔鵠而樂之。曰寡人得如鵠之飛。視天下如芥也。客有隱遊者。聞之作木鵠而獻王。王曰。此有形無用者也。夫作無用之器。世之姦民也。召遊欲加刑焉。遊曰。大王知有用之用。未寤無用之用也。今臣請為大王翔之。乃取而騎焉。遂翻然飛去。莫知所之。異苑

始元元年黃鵠下太液池昭帝爲歌曰黃鵠飛兮下建章羽肅肅  
兮行踳踳金爲衣兮菊爲裳。嗚呼荷苻出入蒹葭自顧菲薄愧爾

祥嘉西京雜記

謝昌寓孝性甚至嘗養一鵠昌寓病二旬而鵠二旬不食昌寓亡  
而鵠遂飛去。南史

成宗元貞二年詔江南毋捕天鷲。元史

正德時都督江彬等承日紅笠之上綴以靛染天鵝翎以爲貴飾

貴者飄三英次者二英兵部尙書王瓊得賜一英冠以下教塲自

謂殊遇。明史

鸚鵡

字說云鸚鵡如嬰兒之學母語故字從嬰母亦作鸚鵡熊太古云  
大者爲鸚鵡小者爲鸚哥則鸚義又取乎此梵書謂之臊陀。本草釋名  
鸚鵡人以手撫拭其背則瘖瘖矣故禽經云鸚鵡摩其背而瘖鸚  
鵡翦其舌而語。博物志

鸚鵡有三種白青五色白及五色者性尤慧解。南州異物志

武帝元狩二年南越獻能言鳥。漢書

張華有白鸚鵡華每出行還輒說僮僕善惡後寂無言華問其故

鳥云見藏甕中何由得知華後在外令喚鸚鵡鸚鵡曰昨夜夢惡

不宜出戶華強之至庭爲鸚所搏教其啄鸚脚僅而獲免。異苑

宋文帝時南平王鑠獻赤鸚鵡普詔羣臣爲賦。南史

貞觀時林邑王獻五色鸚鵡。白鸚鵡數訴寒。有詔還之。唐書

明皇有白鸚鵡聰慧。上及貴妃呼為雪衣娘。授以詞臣詩篇。數遍

便諷誦。明皇雜錄

建隆二年隴州貢黃鸚鵡。上以為瑞。遂作金鸚鵡等旗。中書舍人

王著獻頌。因以為規。詔褒之。宋史

關中賈得鸚鵡於隴上。能言。愛之。賈偶以事陷縲紲。既脫而歎快

不已。鸚鵡曰。郎在獄數日。已不堪。鸚鵡籠閉累年。奈何。賈即放之

去。後其儕輩過隴。鸚鵡必於林間致聲。問其故主也。邵氏聞見後錄

蔡丞相確謫新州。侍兒從焉。善琵琶。遂名之。素養一鸚鵡。甚慧。丞

相欲名琵琶。即一扣響板。鸚鵡傳呼其名琵琶。死後卒誤觸響板。

鸚鵡猶傳呼不已。青林詩話

徽宗時隴西歲貢鸚鵡。帝置之安妃閣。教以詩文。及宣和未遣中

使送歸本土。後郭浩以秦鳳提點刑獄。按邊至隴口。見一白一紅

鸚鵡。鳴棲樹間。問上皇安否。浩曰。上皇崩矣。鸚鵡皆悲鳴不已。宋稗

鸚鵡

鸚鵡謂之唼唼鳥。此鳥好浴水。其睛瞿瞿然。故名。廣韻

天寒欲雪。則羣飛如告。故曰寒臯。臯者告也。字說

鳩鴿子人取養之。教其語。號花鴿。荆楚歲時記

昭公二十五年。有鸚鵡來巢。書所無也。師已曰。異哉。吾聞文武之

世童謠有之。今鸚鵡來巢。其將及乎。左傳

晉司空桓豁在荊州有參軍五月五日剪鸕鶿舌教令學語遂無所不名參軍善彈琵琶鸕鶿每立聽移時又善效人語聲司空大會吏佐令效四座語無不絕似有生鸕鼻語難學因納頭於甕中以效焉遂與鸕者語聲不異幽明錄

謝尚酒後為鸕鶿舞一坐傾笑語林

劉瓛居母憂住墓下不出廬此山常有鸕鶿鳥獻在山三年不敢來服釋還家此鳥乃至南史

唐秘書少監崔行功未得五品前忽有鸕鶿銜一物置桝上乃魚

袋鉤玦不數日加大夫也隋書 佳話

南唐李主諱煜改鸕鶿為八哥負暄 雜錄

鳥

瑞星散為鳥春秋運 斗樞

鳥雅之別名種類亦繁有小而多羣腹下白者為鴉鳥有小紫而白比他鳥微小長而反哺其母者為慈鳥大喙及白頸而不能反哺者南人謂之鬼雀又謂之鸕鶿又謂之老鴉鳴則有凶咎格物論王者不貪天下而重民命則赤鳥至文王時見蒼鳥王者孝悌則至白鳥者宗廟肅敬則至三足鳥王者慈孝被於萬姓不好殺生則來瑞應圖

赤鳥日中三足鳥之精降而生鳥何以三足陽數奇也是以有虞至孝三足集其庭曾參鋤瓜三足萃其冠古今注

越王句踐入國有丹鳥夾王而飛故起望鳥臺言丹鳥之異也拾遺記

東陽顏烏父亡負土築墓羣烏銜土助之烏口皆為之血出詔於其處立縣名為烏傷異苑

桓帝之初京都童謡曰城上烏尾畢逋謂處高利獨食人主多聚斂也後漢書

吳主權曰間者赤烏集於殿前朕所親見若以為祥改年宜以赤烏羣臣奏曰昔武王伐紂有赤烏之祥君臣觀之遂有天下也於是改元赤烏吳志

成公綏詞賦甚麗有孝烏每集其廬舍綏謂有反哺之德以為祥

禽乃作賦美之晉書

海鹽縣有烏夜村晉何準所居也一夕羣烏啼噪準適生女他日復夜啼乃穆帝立準女為后之日一統志

宋彭城王義康有罪放逐次江州衡陽王留飲文帝怒而併囚之家人懼妓妾夜聞烏啼聲云明日有赦少頃使至得釋遂制烏夜啼曲琴操

有獻白鳥者齊高帝問范雲此為何瑞雲曰臣聞王者敬宗廟則白鳥至時謁廟始畢帝曰卿言是也感應之理一至此乎梁書

李義府始名見太宗令咏烏義府曰日裏揚朝彩曲中聞夜啼上林多少樹不借一枝棲帝曰吾以全樹借汝竟以義府秉政全唐詩話

天授元年有進三足鳥者。天后以為周室嘉應。睿宗時為皇嗣言曰。烏前足偽也。天后不悅。須臾一足墮地。唐書

柳仲郢為天平節度使。初仲郢為諫議大夫。後每遷必烏集。升平第庭樹戟架皆滿五日乃散。及是不復集。卒於鎮。

鴉

鴉亦作鴟。禽經鴉鳴啞啞。故謂之鴟。北人謂之寒鴉。冬月尤甚也。

本草釋名

巴陵鴉甚多。土人謂之神鴉。無敢弋者。善接丸。過者丸飯投之。高下無失。風土記

飼鴉臺在三鴉路中。相傳漢光武北趨河朔。至此失路。得鴉引於

馬前飼之於此。因名。一絕志

魏孝文征馬圈。行至賈復城。昏霧得三鴉引路。遂至南山。因號通

鴉城。元和郡縣志

咸通中道士毛意歡常養二鴉。有客將至。鴉必飛鳴。意歡整飾賓階坐榻。未畢客果至矣。錄異記

禮部郎中康凝畏妻甚。妻常病。求烏鴉為藥。而積雪未消。難以網捕。妻大怒。欲加捶箠。凝涉泥出郊。用粒食引致之。僅獲一枚。同官

劉尚賢戲之曰。聖人以鳳凰來儀為瑞。君獲此免禍。可謂黑鳳凰矣。清異錄

土魯番阿黑麻攻陷哈密。許進以巡撫統兵進討。諸軍羽集也川。



薄暮大風揚沙。軍士寒栗僵卧。進出帳外勞軍。有異鳥悲鳴。將士多雨泣。進慷慨曰。男兒報國死沙場。幸耳。何泣為。將士皆感奮。夜半風止。大雨雪。及明。冒雪倍道進。越六日。至哈密。官軍四面並進。拔其城。明史

鵲

季冬之月。鵲始巢。禮記

鵲一名飛駁。形類於鴉而差小。觜尖。足爪黑。頸項背深綠色。白翮。

尾毛黑白相間。善為巢。其聲楂楂然。南人聞其啞則喜。北人聞其

噪則悲。格物總論

鵲鳴啾啾。故謂之鵲。鵲色駁雜。故謂之駁。靈能報喜。故謂之喜。性

最惡濕。故謂之乾。佛經謂之芻尼。小說謂之神女。本草釋名

鵲巢知風之所起。淮南子

有鵲銜火於清溪之上。鵲化成龍。洞冥記

七月七日。鵲無故皆髡。相傳是日。河鼓與織女會於漢東。役鵲為梁以渡。故毛脫。爾雅翼

漢武帝坐未央殿。天雨止。東方朔執戟階旁。屈指獨語。上問之。對曰。殿後栢樹上。有鵲立枯枝。東向而鳴。使視之。果然。問何以知之。曰。風從東方來。鵲尾長。必順風而立。新雨生枝。滑。惟立枯枝。曼倩傳

章帝永寧元年。條支國貢鵲。高七尺。解人語。昔漢武時。四夷賓服。有獻馴鵲。若有喜事。則鼓翼翔鳴。按莊周云。雕陵之鵲。蓋其類。

也拾遺記

孝靜元象二年徐州表濟陰郡廳事前槐樹烏巢於上烏母死有鵲銜食舖烏兒不失其時並皆長大賞太守帛十匹魏書

唐黎景逸居空青山有鵲巢其側每飲食輒以餵之後景逸繫南康獄一日有鵲止獄樓向景逸歡噪其日人並言赦至官司詰其由云道逢元衣素襟人所說三日而赦至景逸還山乃知元衣素襟者鵲也朝野僉載

鵲巢中必有梁崔圓相公妻在家時與姊妹戲後園見二鵲構巢共銜一木安巢中眾不見俗言見鵲上梁必貴酉陽雜俎

學士院有雙鵲棲海棠枝上每學士會食必徘徊翔集於玉堂之上畧無驚畏因謂之靈鵲或鳴噪必有大詔令或宣召之事金坡遺事

曾銑有膽畧長於用兵歲除夜猝命諸將出時塞上無警諸將方置酒不欲行賂鈴卒求緩於銑妾銑斬鈴卒以殉諸將不得已丙夜被甲行果遇寇擊敗之翼日入賀畢前請故銑笑曰見烏鵲非時噪故知之耳皆大服明史

鳩

仲春之月鷹化為鳩禮記

鳩自關而東周鄭之郊韓魏之都謂之郎翠其大者謂之鴉鳩方言

鳴鳩今之布穀也江東呼為獲穀郭璞註

梁宋之間謂布穀為鵠鵠一名擊穀一名桑鳩詩義疏

鳩性食桑甚。然過則醉而傷性。故詩云：于嗟鳩兮，無食桑甚。埤雅

鶉鳩，灰色。陰則屏逐其匹，晴則呼之。語曰：天將雨，鳩逐婦是也。

白鳩，成湯時來。王者養耆老，尊道德，不以新失舊，則至。瑞應圖

高祖與項羽戰，敗於京索，遁叢薄中。羽兵追求之，時鳩正鳴其上。

追者以鳥在無人，遂得免脫。漢世正旦放鳩為脫，高祖之厄也。地理志

志

鄭引為臨淮太守，郡人徐憲在喪致哀，有白鳩巢戶側，引舉為孝

廉，朝廷稱為白鳩郎。會稽典錄

元嘉十八年，會稽商世寶獲白鳩，眼足並赤，揚州刺史以獻。率更

令何承天獻白鳩頌。二十四年，白鳩又見，中領軍沈演之獻頌。宋書

長安張氏獨處室，有鳩自入，止於對牀。張惡之，披懷祝曰：鳩爾來

為我禍耶？上承塵為我福耶？入我懷，鳩翻飛入懷，手探之，不知所

在，而得一金鉤。是後子孫遂盛。幽明錄

進士李文祥有才名，與大學士萬安孫弭璧同年。安欲引文祥附

已，使弭璧延欸於家，出畫鳩請詩。文祥題之，末句云：春來風雨尋

常事，莫把天恩作己恩。安銜之，出為縣丞。明通紀

雀

雀，短尾小鳥也。棲宿檐瓦之間，馴近堦除之際，如賓客然，故曰瓦

雀。賓雀，俗呼老而班者為麻雀。小而黃口者為黃雀。本草釋名

王者奉已約儉，尊事耆老，則白雀見。孝經援神契

赤雀王者動作應天時則銜書來

瑞應圖

周文王時赤雀銜丹書至

宋書符瑞志

孔子見羅雀者所得皆黃口小雀問曰大雀獨不得何也羅者曰

大雀善驚而難得黃口貪食而易得黃口從大雀則不得大雀從

黃口者可得孔子顧謂弟子曰故君子慎其所從

家語

太守魏尙有罪繫詔獄俄有雀萬頭集獄棘樹上拊翼而鳴尙曰

雀者爵命之祥其鳴卽復也我其復官乎有頃詔還故官

陳留者舊傳

宣帝元康四年神爵五采以萬數集長樂未央北宮改元神爵

漢書

賈逵在太學顯宗時有神雀集宮殿冠羽有五采色帝異之名逵

問之對曰昔武王終父之業鸞鷲在岐宣帝威懷戎狄神雀仍集

此胡降之徵也帝使作神雀頌

後漢書

董种爲不其令赤雀乳廳前桑上民爲之作歌頌

謝承後漢書

慕容盛僭位龍城有白雀素身綠首集於東門棲翔東園二旬而

去改東園爲白雀園

晉書

徐伯珍隱九巖山有白雀一雙棲其戶牖論者以爲隱德之感

南齊書

夏侯詳遭父艱廬於墓側有三足雀來集其廬戶衆咸異焉

南史

潘樂初生有一雀止其母左肩占者咸言富貴之徵因名相貴後

以爲字

北史

許善心爲虞部侍郎有神雀降於含章闈高祖召百官賜讌告以

此瑞善心於座製神雀頌。隋書

僕射裴耀卿勤於政事嘗養一雀每夕自更初有聲至漏盡則急

鳴裴呼為知更雀。天寶遺事

順宗時拘弭國貢却火雀純黑其聲清置於火中火自散去。杜陽雜編

海南有五色雀常以兩絳者為長進止必隨久旱而見輒雨潦則

反是。東坡集

燕

仲春之月元鳥至仲秋之月元鳥歸。禮記

齊曰燕梁曰鳧大如雀而長籥口布翅岐尾巢於梁間春社來秋

社去故謂之社燕栖於巖崖者為土燕。廣雅

燕銜土避戊己日則巢固而不傾。續博物志

胡燕斑胸聲小越燕紅襟聲大。天中記

簡狄為帝學次妃三人行浴見元鳥墮其卵簡狄取吞之因孕生

契。史記

周穆王迎意而子訪以道後欲以為司徒意而子不悅化作元鳥

飛入雲中故後人呼元鳥為意而。元虛子仙志

白燕者師曠時銜丹書至。宋書符瑞志

太子榮廢為臨江王自殺葬藍田燕數萬銜土置冢上百姓憐之

史記

元嘉元年白燕集齊郡城游翔庭宇經九日乃去眾燕隨從無數

宋書

衛敬瑜妻王氏敬瑜亡所住戶有燕巢常雙飛來去後忽孤飛女感其偏棲乃以縷繫足為誌後歲此燕復來猶帶前縷女為詩曰昔年無偶去今春猶獨歸故人恩既重不忍復雙飛南史

宋劉義隆時天竺僧求那跋摩將詣揚州路過靈鷲寺謂寺僧曰

此間尋有異瑞兼直王者登臨其年冬果有羣燕共銜繡像委之

堂內及齊主蕭道成初為始興太守游於此寺而起白塔廣弘明集

馬樞隱於茅山有白鷺一雙巢其庭樹馴狎欄廡時集几案春來

秋去幾三十年陳書

金宣撫使田琢從軍塞外有雙燕為巢主人欲捕之田曲為全護

燕晝出夜歸田必開戶待之忽一日飛止坐隅語移時田思明日

秋社燕當歸矣此為留別語也因作詩贈云幾年塞外歷憂危誰

謂烏衣亦此飛朝向蘆陂知覓食暮投茅舍重相依君憐我處頻

迎語我憶君時不掩扉明日西風悲鼓角君應先去我何歸遂書

為蠟丸係其足明年田受代歸又八年為潞州判官忽雙燕至諦

視即前燕也蠟丸尚在中州集

袁凱工詩初在楊維禎座客出所賦白燕詩凱微笑作一篇以獻

維禎大驚賞徧示座客人遂呼袁白燕云明史

建文初年有道士歌於途曰莫逐燕逐燕日高飛高飛上帝畿是

靖難之識也

鴿

佛在祇洹。是時有鷹逐鴿。鴿飛來佛邊。住佛影覆。鴿身安穩。怖畏即除。檀那經

崔光崇信佛法。會於門下省讀經。有鴿飛集膝前。遂入於懷。緣臂上肩。久之乃去。道俗贊詠詩頌者數十人。魏書

張九齡少時。家養羣鴿。每與親知書。繫鴿足上。依所教飛往投之。目為飛奴。開元遺事

大理丞鄭復禮。言波斯舶上多養鴿。鴿飛行數千里。輒放一隻至家。以為平安信。酉陽雜俎

陳誨嗜鴿。馴養千餘。自南劍牧。拜建州觀察使。去郡前一月。羣鴿

先之富沙。又嘗早衙。有一鴿投誨懷袖中。為鷹所擊。故也。誨感之。

不復食鴿。南唐近事

少年尙畜鴿。號半天嬌。人呼為插羽佳人。清異錄

蘇子瞻懷錢塘詩有云。去年柳絮飛時節。記得金籠放雪衣。蓋杭人四月八日放鴿為太守祈壽。故有金籠雪衣之句。宋稗

高宗紹興間。宮中養鴿。每日羣飛於外。太學士人作詩以諷。其詩流於大內。高宗惻然。自是宮中不復畜鴿。其詩云。萬鴿飛翔遶帝

都朝昏。收放費工夫。何如養取雲邊鴈。沙漠能傳二帝書。古杭雜記

張浚嘗按視曲端軍。闔無一人。公異之。謂欲點視端。以所部五軍籍進。公命點其一部。端於庭開籠。縱一鴿以往。而所點之軍隨至。

張為愕然。既而欲觀全部。於是悉縱五鴿。則五軍頃刻而集。魏公忘之。齊東野語

顏清甫。曲阜人。嘗卧病。其幼子偶彈得一鴿。歸以供膳。於梢翎間得書一緘。書上題云家書付男郭禹開拆。禹乃曲阜縣尹郭仲賢也。蓋其父自真定寄至者。時仲賢改授遠平縣尹去。鴿未及知。盤桓尋覓。遂遇害。清甫見之。責其子。便取木匣函鴿。候病稍愈。直抵仲賢官所。獻書與鴿。且語其故。仲賢戚然曰。畜此鴿已十七年矣。凡有家書。雖隔數千里。亦能傳致。真異禽也。命左右瘞之。輟耕錄

黃鸞

皇黃鳥。倉庚商庚。鴝黃楚雀。爾雅

仲春之月。倉庚鳴。禮記

黃鳥黃鸞留也。或曰黃栗留。幽州人謂之黃鸞。齊人謂之搏黍。詩疏

戴仲若。春日携雙柑斗酒。人問何之。答曰。往聽黃鸞聲。此俗耳。針砭詩腸鼓吹。世說

明皇於禁苑中見黃鸞。常呼為金衣公子。開元遺事

鷺

鷺春鉏也。爾雅

鷺飛則霜。鷺飛則露。其名以此。步於淺水。好自低自昂。如春如鋤之狀。故曰春鋤。禽經

鷺一名屬玉。格物論



振鷺于飛于彼西雝。詩經

楚成王時有朱鷺合沓飛翔而來舞則復有赤色者舊鼓吹朱鷺

曲是也。埤雅

鷺小不踰大飛有次序百官縉紳之象。博物志

吳王夫差時有雙白鷺飛出鼓中而入雲。古今樂錄

剡人賈傅泊舟鏡湖夜月縱步於清流芳荷中見二叟並語一日

碧繼翁一曰篁棲叟相對吟詩賈遽揖之化為白鷺飛去。樹萱錄

鷗

鷗信鳥也。禽經

鷗者浮水上輕漾如漚也。本草釋名

海上之人有好鷗鳥者每旦之海上從鷗鳥遊鷗之至日百數而  
不止其父曰聞鷗鳥皆從汝遊汝取來吾玩之明日之海上鷗鳥  
舞而不下也。列子

江鷗一名海鷗隨潮上下頗知風雲若羣飛至岸必風渡海者以  
此為候。南越志

鴛鴦

鴛鴦水鳥雌雄未嘗相離人得其一則一思而至死故曰匹鳥。古今注

鴛鴦在梁戢其左翼。詩經

韓馮娶妻而美宋康王奪之馮自殺妻投於臺下王埋之塚相望

也有鴛鴦雌雄各一恒棲樹上交頸悲鳴搜神記

霍光園中鑿大池植五色睡蓮養鴛鴦三十六對望之爛若舒錦

謝氏詩源

漢時鄆縣南門兩扇忽一聲稱鴛一聲稱鴦晨夕開之聲聞京師

漢帝惡之令毀其門兩扇化為鴛鴦相隨飛去後改為晏城縣朝野

僉載

顯祖因田鷹獲鴛鴦一其偶悲鳴上下不去帝歎曰雖人鳥事別

至于資識性情亦何異哉於是下詔禁鷲鳥不得畜魏書

崔珽有鴛鴦詩三首以此得名時號崔鴛鴦其一曰翠鬣紅衣舞

夕暉水禽情似此禽稀暫分烟鳥猶回首只渡寒塘亦共飛映霧

乍迷珠殿瓦逐梭齊上玉人機采蓮無限蘭橈女笑指中流羨爾

歸唐詩紀事

雞

雞曰翰音禮記

雞一名燭夜古今注

扶桑山有玉雞玉雞鳴則金雞鳴金雞鳴則石雞鳴石雞鳴則天

下之雞悉鳴潮水應之矣神異錄

伺潮雞潮水上則鳴孫綽望海賦曰石雞清響而應潮是也述異記

有司夜雞隨鼓節而鳴從夜至曉一更為一聲洞冥記

祝雞翁善養雞今世人呼雞云祝祝始此博物志

雞云朱朱俗相傳雞本朱氏翁化爲之今呼雞皆朱朱也風俗通

胥徒國獻沉明石雞色如丹大如燕常在地中應時而鳴聲能徹

遠其國聞鳴乃殺牲以祀之當鳴處掘地則得此雞若天下太平

翔飛頡頏以爲嘉瑞亦爲寶雞拾遺記

賓孟適郊見雄雞自斷其尾問之侍者曰自憚其犧也左傳

季郈之雞鬪季氏介其雞郈氏爲之金距平子怒

田饒謂魯哀公曰君不見夫雞乎頭戴冠者文也足傅距者武也

敵在前敢鬪者勇也得食相告仁也守夜不失時信也雞有此五

德君猶淪而食之以其所從來者近也韓詩外傳

成帝時交趾越雋獻伺晨雞長鳴雞伺晨雞則下漏驗之晷刻無

差長鳴雞則一食時不絕長距善鬪西京雜記

山雞愛其毛映水而舞魏武時南方獻之欲其鳴舞而無由公子

倉舒令以大鏡著其前雞鑒形而舞不止異苑

祖逖少與劉琨共寢中夜聞荒雞鳴蹴琨覺曰此非惡聲也因起

舞晉書

宋處宗甚有思理嘗買得一長鳴雞籠着窻間雞遂作人語與宋

談極有致宋因此元功大進世說

太學博士張昌宗之族叔精五經惜於時事畜一雞呼爲勃公子

御史臺記

元宗好鬪雞貴臣外戚皆尚之貧者或弄木雞唐書

張根性至孝。母病每至雞鳴則少蘇。及母亡後。根不忍聞雞聲。宋史  
太平興國中。伶官蔚茂多侍大宴。聞雞唱。崔翰問曰。此可被管絃乎。茂多即法其聲。製曲曰雞叫子。

欽哀皇后蕭氏入宮。嘗拂承天太后榻。獲金雞吞之。膚色光澤。勝常已而生興宗。遼史

黃昏雞鳴必殺之。以除不祥也。沈氏黃昏雞鳴。適有神降於伍氏。沈往問之。答曰。定昏雞啼。福祿日躋。於是沈氏日昌。里中異之。客退紀談

元南人仕於朝者。多以醋雞為贄。見草木子。今特江右呼臘雞。或曰吉安畜老雞。能療病。其價數倍。故云。近峰聞畧

瞿宗吉學博才瞻少。不為其父所知。鄉人張彥復自福建檢校回家。瞿翁殺雞具酒待之。宗吉年十四。適自學舍歸。彥復指雞為題。命賦之。宗吉應聲云。宋宗窻下對談高。五德聲名五彩毛。自是范張情義重。割烹何必用牛刀。彥復大加稱賞。手寫桂花一枝。并題其上。以贈瞿翁。遂構傳桂堂。西湖游覽志

鵝

舒鴈。鵝。鸚鵡。鵝。鵝一名舒鴈。鸚鵡今之野鵝。爾雅

影娥池北有喜日鵝。至日出時銜翅而舞。又名舞日鵝。洞冥記

世呼鵝為兀地奴。以其行步盤跚耳。清異錄

邕州蠻人選鵝腹毳毛為衣被絮。柔煖而性冷。嬰兒尤宜之。能辟

驚獮。柳子厚詩云：鵝毛禦臘，縫山罽。卽此。

嶺南異物志

王羲之性愛鵝。山陰有道士養好鵝，羲之往觀，甚悅。求市之，道士云：爲寫道德經，當舉羣相贈耳。羲之欣然寫畢，籠鵝而歸，甚以爲

樂。晉書

沙門惠遠養一鵝，常隨遠聽經。及遠入京，鵝晝夜鳴叫，僧徒送入

京，至寺自然知遠房，便入馴狎，每聞講經卽入堂伏聽。如是六年，

忽哀叫不肯入堂，二旬而遠卒。兩京記

僖宗喜鬪鵝，數幸六王宅，與慶池。與諸王鬪鵝，一鵝至五十萬錢。

唐書

元和中，汝南周生夢一白衣丈夫，血濡衣襟，拜曰：吾家于林泉者

不幸，值君之家人繫我，縱犬噬我，願君子宥之。周訊其事，乃家人

獲一鵝，歸犬傷其臆，周卽命放之。是夜又夢白衣人謝而去。宣室志

孝鵝塚在長興，唐人沈氏畜一母鵝，將死，其雛悲鳴不復食，母死

啄敗薦覆之，又銜芻列前，若祭狀，長號而死。沈氏異之，埋此。太平寰宇

記

太祖幼時嘗見羣鵝游於庭，戲以青白二紙旂，左右監立，命之曰：

青者立青旂下，白者立白旂下，違者死。羣鵝如命而往，獨一花鵝

不知所適，往來于青白之間。明興雜記

鴨

舒鳧。鶩，鴨也。一名舒鳧。李巡云：野曰鳧，家曰鶩。爾雅。

設正類編 卷四十五 羽毛類

婁縣有石首魚。至秋化為冠鳧。鳧頭中猶有石也。吳錄

海鴨大於常鴨。斑白文。亦謂之文鴨。金樓子

鶩無他心。故庶人以為摯。說苑

影娥池北有升藻鴨。赤色。每止於芙蓉上。不食五穀。惟啣葉上垂

露。因名垂露鴨。一名丹毛鳧。洞冥記

鴨城者。吳王築城以養鴨。周數十里。吳地記

桓邈為汝南郡人。齋四烏鴨作禮。邈子忽夢四烏衣人請命。覺而

見鴨將殺。遂救之。又夢四人來謝而去。夢雋

太祖車駕幸城南園臨水亭。見雙鳧爭藻於池面。引弓射之一發

而雙貫。從官歡呼稱賀。上命翰林寫之。縑素。周書

浮光多美鴨。太原少尹樊千里買百隻置後池。載數車浮萍入池。

使為鴨作茵褥。雲林異景志

唐孟郊為溧陽尉。好養鴨。開射鴨堂。東坡題縣尉水亭詩。已作觀

書檻。仍開射鴨堂。合壁事類

穀玉類編卷四十五

穀玉類編卷四十六

休寧 汪兆舒果齋輯

羽毛類二

麟

犀 象 獅子

鹿 熊 虎

狐 豹

猴 狼

麟

毛蟲三百六十而麟為之長。

孔子家語

牡曰麒。牝曰麟。麕身而牛尾。狼項而一角。黃色而馬足。音中鐘呂。步中規矩。不踐生虫。不折生草。明王動靜有儀。則見。宋書

牡鳴曰游聖。牝鳴曰歸昌。夏鳴曰扶幼。秋鳴曰養綏。徵祥記

青曰聳孤。赤曰炎駒。白曰索冥。黑曰角端。黃曰麒麟。瑞應圖

黃帝時麒麟游於苑囿。尚書中候

孔子未生時有麟吐玉書於闕里。文曰水精之子。系衰周而素王。

徵在賢明知為神異。以繡紱繫麟角。信宿而麟去。拾遺記

春西狩獲麟。何以書記異也。麟仁獸也。有王者則至。無王者則不

至。有以告者曰有麇而角者。孔子曰孰為來哉。反袂拭面。涕沾袍。

曰吾道窮矣。公羊傳

武帝行幸雍祠五時。獲白麟。作白麟之歌。漢書

孝武時麟見金澤縣。百獸從之。涼州牧呂光以為巳瑞。僭即王位。

年號麟嘉。晉書

憲宗時東川觀察使潘孟陽奏武安縣嘉禾生。有麟食之。麟之來。

羣虎環之。光彩不可正視。使畫工圖之以獻。舊唐書

永樂時曹縣獻騶虞。榜葛刺國麻林國進麒麟。呂震請賀。帝曰天

下治安無麒麟何害。明史

獅子

狻麇如虬。貓食虎豹。狻麇獅子也。爾雅

獅為百獸長。故謂之獅。虺象其聲也。梵書謂之僧迦。

烏弋國有師子。似虎。正黃。尾端毛大如斗。漢書

南金山有師子獸。其毛黃赤而光鮮。耳小。若鳴時地動石裂。述異記



章帝章和元年安息國遣使獻師子。後漢書

宗慤伐林邑。林邑王來拒。以具裝被象。士卒不能當。慤曰。吾聞師子威服百獸。乃製其形。與象相禦。象果驚奔。眾因潰散。宋書

劉顯博聞強記。時波斯獻生師子。梁武帝問曰。師子有何色。顯曰。黃師子超不及白師子超。南史

永橋東有獅子坊。獅子波斯國所獻也。莊帝曰。朕聞虎見師子必伏。可覓試之。於是郡縣送二虎一豹。帝在華林園觀之。虎豹見獅

子皆瞑目不敢仰視。園中素育一熊。帝令取試之。虞人牽熊至。聞獅子氣驚怖。跳踉曳鑣而走。帝大笑。伽藍記

康國獻師子獸。太宗珍其遠。令秘書監虞世南作賦。唐書

元時大會羣臣。盡出諸獸於萬歲山。若虎豹熊象之屬。一一置列。訖然後獅子至。身材短小。絕類人家所畜金毛猯狗。諸獸見之。畏懼俯伏。不敢仰視。及各飼以雞鴨野味之類。諸獸不免以爪按定。用舌去其毛羽。惟獅子則以掌擊而吹之。毛羽紛然脫落。此其所以異於諸獸也。輟耕錄

張錄擢御史。西域魯迷貢獅子。西牛方物。邀中國重賞。錄言。明王不貴異物。今二獅日各飼一羊。是歲用七百餘羊也。牛食芻菽。今乃食果餌。則食人之食矣。願返其獻。歸其人。薄其賞。以阻希望心。明史

虎

魁白虎。魑黑虎。虎竊毛謂之虢貓。竊淺也。爾雅

仲冬之月。虎始交。格物論曰。虎一生止一乳。乳必雙不再交也。禮記

虎知衝破。能畫地觀奇偶。以下今人效之曰虎卜。易卦通驗

有虎在乎葭中。七萃之士高奔戎。生捕虎而獻之。天子命為柙。而

畜之東虞。是為虎牢。穆天子傳

鬪伯比從其母畜於邳。淫於邳子之女生子文。邳夫人使棄諸夢

中。虎乳之。邳子田見之懼而歸。夫人以告。遂使收之。楚人謂乳穀。

謂虎於菟。故命之曰鬪穀於菟。實為令尹子文。左傳

卞莊子欲刺虎。館豎子止之曰。兩虎方食牛。食甘必爭鬪。則大者

傷小者死。從傷而刺之一舉必有雙虎。莊子以為然。立須之。從傷

者而刺之。果有雙虎之功。史記

公牛哀病七日。化為虎。其兄覘之。虎搏而殺之。不知其兄也。淮南子

漢宣城郡守封邵。巨化為虎。食郡民。呼之曰封使君。因去不復來。

故時人語曰。無作封使君。生來治民死食民。述異記

劉昆為弘農太守。先是嶠黽驛道多虎災。昆為政三年。仁風大行。

虎皆負子渡河。後漢書

宋均為九江太守。郡多暴虎。募設檻穽。而猶多傷害。均到下記屬

縣曰。虎豹在山。各有所託。今為民患。咎在殘吏。而勞勤張捕。非憂

恤之本。其務退姦貪。進忠善。可一去檻穽。其後虎相與東游。渡江

童恢除不其令。民嘗為虎所害。乃設檻捕之。生獲二虎。恢出咒虎

曰天生萬物。惟人爲貴。虎狼當食六畜。而殘暴於人。王法殺人者。死。汝若是殺人者。當垂頭服罪。一虎低頭閉目。狀如震懼。卽殺之。其一視恢。鳴吼。踊躍自奮。遂令放釋。

郭文隱餘杭山中。嘗有猛獸。忽張口向文。文視其口中有橫骨。乃以手探去之。猛獸明旦致一鹿於其室前。晉書

裴旻以龍華軍使守北平。北平多虎。旻善射。一日得虎三十一。休山下有老父曰。此彪也。稍北有真虎。使將軍遇之。且敗。旻不信。怒馬趨之。有虎出叢薄中。小而猛。據地大吼。旻馬辟。易弓矢。皆墮。自是不復射。唐書

鍾傅歷官鎮南節度使。傅少射獵。醉遇虎。與鬪。虎搏其肩。而傅亦

持虎不置。會人斬虎。然後免。旣貴。悔之。戒諸子曰。士處世尚智與。謀勿效吾暴虎也。乃畫搏虎狀。以示子孫。

李繼宣補右班殿直。裁十七歲。命往陝州捕虎。殺二十餘。生致二

虎一豹以獻。宋史

別的因授信陽府達魯火赤。信陽多虎。一日以馬褡置鞍上。出獵。命左右燔山。虎出走。別的因以馬褡擲虎。虎搏褡。據地而吼。因旋馬射之。虎立死。元史

包實夫進賢人。授徒數十里外。途遇虎銜入林中。釋而蹲。實夫拜請曰。吾被食命也。如父母失養。何虎卽舍去。後人名其地爲拜虎岡。明史

喬宇嘗陟太華絕頂遇虎僕夫皆驚仆宇端坐不動虎徐帖尾去  
白松虎兒國舊名速麻里兒嘗有白虎出松林中不傷人亦不食  
他獸旬日後不復見國人異之稱爲神虎曰此西方白虎所降精  
也因改國名。

### 豹

獻其貔皮赤豹黃羆。詩經

豹狀似虎而小白面團頭自惜其毛采其文如錢者曰金錢豹宜  
爲裘如艾葉者曰艾葉豹次之又西域有金線豹文如金線海中  
有水豹上應箕宿禽蟲述云虎生三子一爲豹。本草集解

幽都山多元豹。山海經

南山有元豹霧雨七日而不下食者何也欲以澤其羽毛而成其  
文章故藏以遠害。列女傳

狄伯奇少游獵得豹見其文彩炳煥遂自感歎始學書藝。後秦記

王延範爲廣南轉運使有豹入公宇噬傷數吏從者恐悚不敢進

延範獨拔戟前逐刺殺之。宋史

泰定帝三年瓜哇遣使獻金文豹一。元史

### 狼

狼跋其胡載疋其尾。詩經

白狼金精也王者仁德明哲則見。瑞應圖

狼壽三百歲則解變化爲人形山中稱當路君者狼也。抱朴子

狼足前短能知食所在狼足後短負之而行故曰狼狽本草集解

殷湯在亳有神牽白狼銜鉤而入商朝宋書符瑞志

洛陽有避狼城周幽王時羊化為狼食人故築城避之今洛中狼

村是其處述異記

王仲德太原人苻氏之敗仲德與兄叡起義兵與慕容垂戰敗仲

德被創走會水潦暴至莫知所如有一白狼至前仰天而號號訖

銜仲德衣因渡水仲德隨之獲濟與叡相及後仕宋至徐州刺史

立佛寺作白狼像於塔中以河北所遇也宋書

穆崇官至太尉初太祖避窟咄之難遣崇還察人心崇夜微服入

其營賊覺崇竊馬奔走宿於大澤有白狼向崇而號崇乃悟馳馬

隨狼而走遂得免魏書

李驥知東安縣有嫠婦子齧死訴於驥驥禱城隍神深自咎責明

旦狼死於其所明史

犀

犀似豕形似水牛猪頭大腹庠脚黑色三角一角一在頂上一在額上一在鼻上亦有一角者爾雅

翡翠屑金人氣粉犀歸田錄

楚使獻雞駭之犀於秦王戰國策

吠勒國貢文犀四頭狀如水兕角表有光因名明犀置暗中有光

影亦曰影犀洞冥記

却塵犀海獸也其角辟塵述異記

角中特有光耀。白理如線。自本達末。則為通天犀。異物志

靈犀在廣西鬱江上流。潭中有二犀。每風息浪靜。則出於潭岸。頂

有光彩。一統志

海中出離水犀。其出入有光。水為之開。南越志

平帝元始二年。黃支國獻犀牛。漢書

貞觀時。林邑王鎮龍獻通天犀。唐書

開元元年冬至。交阯國進犀角一株。色如金。使者請以金盤置放

殿中。溫然暖氣襲人。上問其故。使者曰。此辟寒犀也。開元遺事

寶曆元年。南昌國進夜明犀。上令解為腰帶。每游獵。夜則不施蠟

炬。有如晝日。杜陽編

同昌公主有蠲忿犀。犀株如彈丸。入土不朽。帶之令人蠲去忿怒。

物類相感志

墮和羅國多美犀。世謂墮和羅犀。唐書

西南夷土有異犀。三角。夜行如大炬火。照數千步。或時解脫。則藏

於深密之處。不欲令人見之。王者貴其異。以為簪。能消除凶逆。交廣志

象

瑤光之精。散而為象。春秋運斗樞

象膽不附肝。隨四時在四足。春前左。夏前右。秋後左。冬後右。埤雅

象行能別虛實。稍虛輒不肯過。故帝王鹵簿。以為前導。草木子

安南有象能知人曲直有鬪訟者立而齧之負心者象以鼻捲之擲空中以牙接之應時碎矣莫敢競者朝野僉載

武帝元狩二年南越獻馴象漢書

魏文帝時南越獻白象子在帝前任城王曹彰手頓其鼻象伏不動拾遺記

晉成帝咸康六年林邑王獻象知跪拜御者使之則從之萬歲曆

白象者人君自養有節則至文帝元嘉元年白象見零陵洮陽宋書

陽山縣人行田忽遇一象以鼻捲之入深山見一象脚有巨刺此人牽挽得出病者即起以鼻掘出數條長牙送還本處本境苗稼常為象所傷壞其象俗呼大客因語曰我田稼在此大客若念我

幸勿見侵象便躑躅如有馴解於是一家之業絕無其患異苑

明皇所教舞象天寶之亂安祿山大宴諸酋出象給之曰此自南

海奔至以吾有天下雖異類必拜舞因令左右命之舞象努目不

從祿山怒殺之明皇雜錄

德宗即位放舞象三十有二於荆山之陽唐書

太宗興國八年占城國獻馴象能拜伏太宗詔畜於京畿宋史

忽辛為雲南行省右丞緬國主來獻白象一且曰此象古來所未

有今聖德所至敢效方物元史

梁曾使安南還詔陳其方物於庭而命曾引所獻象曾以袖引之

象隨曾轉如素馴者復命引他象亦然世祖以曾為福人

李自成破京城。莊烈帝自縊於煤山。時文臣自范景文勲戚自劉文炳以下殉節者四十餘人。宮女魏氏投河從者二百餘人。象房象皆哀吼流淚。明史

熊

熊似豕。山居。春出冬蟄。說文

熊膽春在首。夏在腹。秋在左足。冬在右足。冬蟄不食。飢則自舐其

掌。故其美在掌。亦有兩種。猪熊其形似猪。馬熊其形似馬。酉陽雜俎

熊食少許鹽。卽宛轉而死。胡孫亦然。瑣碎錄

赤熊佞人。遠姦猾息。則入國。宋書

東土呼熊爲子。路人以物擊樹云。子路可起。於是便下。不呼則不

動也。異苑

熊於山中行數十里。悉有跽伏之所。必在石巖枯木中。山民謂之

熊館。墨客揮犀

熊好舉目引氣。謂之熊經。莊子熊經鳥伸是也。埤雅

昔堯殛鯀於羽山。其神化爲黃熊。以入於羽淵。左傳

文帝元嘉二十年。白熊見新安。太守劉元度以獻。宋書

狐

狐者先古之淫婦也。其名曰紫。化而爲狐。故其怪多自稱阿紫。名山記

豐狐文狸。棲於山林。伏於石穴。靜也。莊子



狐及狸狼皆壽八百歲滿三百歲漸變為人形千歲之狐預知將來抱朴子

北風勁河冰始合要須狐行云此物善聽聽冰下水無聲然後過河述征記

帝禹時有白狐九尾之瑞九尾狐周文王得之東夷歸焉漢章帝

章和中九尾狐見郡國宋書符瑞志

周成王時治致太平而黑狐見魏書靈徵志

董仲舒下帷講誦有客來詣舒知其非常客又云欲雨舒戲之曰

巢居知風穴居知雨君非狐狸則是鼯鼠客遂化為老狐而去幽明錄

錄

燕惠王墓上有狐狸已經千餘年神變無比化為書生謁張華華

引入談論三日不屈華疑妖也曰千年之妖以千年神木照之即

變燕惠王冢有華表木已經千年發使往取空中有青衣童子曰

老狸不智今禍及我乎將木歸照之其精乃變華烹之搜神記

高祖太和二年徐州獻黑狐三年獲白狐白狐王者仁智則至十

年冀州獲九尾狐以獻九尾狐王者六合一統則見魏書

敬宗夜艾自捕狐狸為樂謂之打夜狐唐書

唐宰相李揆乾元初為中書舍人嘗退朝見一白狐在庭中搗練

石上命逐之已不見矣問於客客曰此祥符也某敢賀明日果遷

禮部侍郎宣室志

鄒志完南遷比還過永州澹山巖巖有馴狐凡貴客至則鳴志完將至狐輒鳴寺僧出迎志完怪之僧以狐鳴對志完作詩曰我入幽巖亦偶然初無消息與人傳馴狐戲學仙迦客一夜飛鳴報老

禪。冷齋夜話

猴

猱一名媛能攀援樹枝媛善援。獾獾一名媛能攀援樹枝父善顧。獾父大媛也。爾雅

猴類有數種。小而尾短者猴也。似猴而多鬚者虞也。似猴而大者獾也。大而尾長赤目者禺也。小而尾長仰鼻者狝也。似狝而大者果然也。似狝而小者蒙頰也。似狝而善躍越者獬鬌也。似猴而長臂者媛也。似媛而金尾者狻也。似媛而大能食媛猴者獨也。本草釋名

獼猴壽八百歲變為猿。媛壽五百歲變為獾。玉策記

闍婆國山多猴。不畏人。呼以霄霄。即出。或投以果實。其大猴二先至。土人謂之猴王。猴夫人食畢。羣猴食其餘。宋書

峽中猿鳴至清。諸山谷傳其響。泠泠不絕。行者歌之曰。巴東三峽

猿鳴悲。猿鳴三聲淚沾衣。宜都山川記

齊武帝出景陽山。見一猿透擲悲鳴。問後堂丞。此媛何意。答曰。猿子前日墮崖致死。其母求之不見。故耳。上因憶子響。欷歔不自勝。

子響武帝子以反見縊。南史

商山隱士高太素居清心亭。每至一時。即有一猿詣亭前。鞠躬而

啼不爽其候。太素目為報時猿。天寶遺事

李約在潤州養一猿名山公月夜汎江登金山鼓琴猿必嘯和全唐

詩話

段公路經青山鎮得一猿名巴兒甚馴呼之輒至常以自隨後過

舊山聞舊侶啼聲不食而卒北戶錄

唐昭宗播遷隨駕人有弄猴者猴頗馴隨班起居昭宗賜以緋袍

號孫供奉後朱温篡位取此猴令殿上起居猴見温徑趨其所跳

躍奮擊遂殺之幕府閒錄

王仁裕畜一猿名野賓呼之則應後因為患放之項上繫紅絲一

縷仁裕後入蜀行次嶓冢見一猿舍羣而前紅絲尚在從者曰野

賓也呼之即應仁裕立馬移時及聳轡之際哀叫數聲而去王氏閒錄

錄

蜀中有楊千度者善弄胡孫會人言語一日內殿胡孫絕維上殿

閣蜀主令射之三日不得內監奏千度能弄胡孫試令捉之楊遂

以十餘頭戲於殿前內廐者亦在舍上窺之楊高聲曰奉勅把舍

上胡孫來果立致於殿前蜀主大悅厚賜千度野人閒話

郭休隱居泰山畜一胡孫謹恪不踰規矩呼曰尾君子清異錄

有人種黍山中患獼猴食之聞介象有道術乞辟猴之法象曰明

日往視黍所望見羣猴便大呼語之曰已白介君教莫侵食黍此

人明日往視黍遇羣猴適欲下樹因述象語遂各自還山神仙傳

程伯淳遊山山僧云晏元獻南來獼猴滿野伯淳戲為一絕曰聞

說獼猴性頗靈相車來便滿山迎鞭羸到此何曾見始覺毛虫亦世情。二程遺書

呼猿洞晉時僧慧理畜白猿於此南宋時僧智一倣舊蹟畜猿於山臨澗長嘯則諸猿畢集好事者施食以齋之因建飯猿臺。西湖志

陳鳳讀書習隱嘗月夜掛琴松間調所馴山猿得詩擁膝自吟聲

與猿嘯相應。列朝詩集小傳

鹿

鹿牡麀牝麀其子麀其迹速絕有力麀。爾雅

鹿者純善之獸王者孝則白鹿見王者明惠及下則見。瑞應圖

白麀王者刑罰理則至銀麀刑罰得中民不為非則至。宋書

楚樂伯致晉師晉人逐之樂伯矢一而已麀興於前射麀麗龜晉

鮑癸當其後使攝叔奉麀獻焉曰以歲之非時獻禽之未至敢膳

諸從者鮑癸止之曰其左善射其右有辭君子也既免晉魏錡請

戰而還楚潘黨逐之及榮澤見六麀射一麀以顧獻曰子有軍事

獸人毋乃不給於鮮敢獻於從者叔黨命去之。左傳

趙高用事欲為亂恐羣臣不聽乃先設驗持鹿獻於二世曰馬也

二世笑曰丞相誤耶指鹿為馬問左右左右或默或言馬以阿順

高高因陰中言鹿者以法。史記

鹿千年化為蒼又五百年化為白又五百年化為元漢成帝時山

中人得元鹿烹之骨皆黑色。述異記

漢明帝時七星鹿出江陵兩角之間有道家七星符古今注

鄭弘初為淮陽太守行春致雨有白鹿夾轂而行主簿拜賀曰聞

三公車幡畫作鹿明府必為宰相謝承後漢書

謝鯤避地豫章嘗行經空亭中夜宿此亭舊每殺人將曉有黃衣

人呼鯤字令開戶鯤無懼色便於窗中度手牽之脚斷視之鹿也

尋血獲焉爾後此亭無復妖怪晉書

餘干縣有白鹿土人傳千歲矣晉成帝遣人捕得有銅牌刻字在

角後云寶鼎二年臨江所獻述異記

真山在毘陵梁時有村人韓文秀見一鹿產一女在地既長與凡

女異遂為女冠梁武帝為別立一觀號曰鹿孃

褚無量母喪廬墓左鹿犯所植松柏無量號訴曰山林不乏忍犯

吾塋樹耶自是羣鹿馴擾不復根觸無量為終身不御其肉唐書

穀玉類編卷四十六

Blank columns for text in the right-hand page.

穀玉類編卷四十七

休寧 汪兆舒果齋輯

羽毛類三

- 馬 狗
- 駝 兔
- 驢 豕
- 牛 猫
- 羊 鼠

既差我馬。差擇也。宗廟齊毫。戎事齊力。田獵齊足。爾雅

凡馬八尺以上為龍。七尺以上為駉。六尺為馬。天子十二閑。六種。

邦國六閑。四種。家四閑。二種。周禮

王者順時而制事。因時而順道。則來騰黃。騰黃者神馬也。其色黃。

王者德御四方則至一名吉光乘之壽三千歲此馬無死時瑞應圖  
伯樂星掌天馬孫陽善御故名焉同時九方歎亦善相馬即九方  
臯也吹劍錄

天子命駕八駿之乘右服驊騮而左綠耳右驂赤驥而左白義次  
車之乘右服渠黃而左踰輪右盜驪而左山子穆天子傳

齊桓公伐孤竹返失道管仲曰老馬之智可用也乃放老馬而隨  
之遂得道韓子

驥之齒至矣服鹽車而上太行遷延不能上伯樂遭之下車攀而  
哭之解紵衣以羈之驥於是俛而噴仰而鳴見伯樂之知己也國策  
秦始皇有七名馬追風白兔躡景奔電飛翾銅爵神鳥古今注

文帝自代還有良馬九匹一名浮雲一名赤電一名絕羣一名逸  
驃一名紫鸞驪一名綠螭驄一名龍子一名麟駒一名絕塵號為

九逸西京雜記

今上即位得神馬渥洼水中次以為太一之歌曰太一貢兮天馬  
下露赤汗兮沫流赭騁容與兮跼萬里今安匹兮龍為友後伐大  
宛得千里馬名蒲梢作歌曰天馬來兮從西極經萬里兮歸有德  
承靈威兮降外國涉流沙兮四夷服史記

孝武之世蒲梢龍文魚目汗血之馬充於黃門四駿馬名也漢書

馮奉世使大宛得其名馬象龍而還

呂布常御良馬號赤菟能馳城飛塹後漢書

曹公所乘馬名絕影。魏書

曹洪家駿馬成羣。武帝討董卓夜行失馬。洪以其馬讓帝。號曰白鵠。此馬走時惟覺耳中風聲。足似不踐地。諺曰：憑空虛躍。曹家白鵠。

拾遺記

曹真有駿馬名驚帆。言其馳驟如烈風之舉帆也。古今注

劉備屯樊城。劉表曾請備宴會。欲取備。備覺之。偽如廁遁出。所乘馬名曰盧。走渡檀溪水中。溺不得出。備急曰：的盧今日厄矣。可努力的。盧乃一踊三丈。遂得過。世語

王濟善解馬性。嘗乘一馬。著連乾鄣泥。前有水。終不肯渡。濟曰：此必是惜鄣泥。使人解去。便渡。故杜預謂濟有馬癖。晉書

支道林常養數匹馬。或言道人畜馬不韻。支曰：貧道重其神駿。世說

冉閔所乘赤馬。曰朱龍。日行千里。晉書載記

慕容儁僭即帝位。初儁祖廐有駿馬曰赭白。有奇相。逸力。石季龍之伐棘城也。廐子皝將出避難。欲乘之。馬悲鳴。齧人。莫能近。皝曰：此馬見異先朝。孤常仗之。濟難。今不欲者。蓋先君之意乎。乃止。季龍尋退。皝益奇之。至是四十九歲矣。而駿逸不虧。儁比之於鮑氏。命鑄銅以圖其象。置之薊城門。

天監四年。河南獻赤龍駒。能拜伏。善舞。詔張率與到溉。周興嗣為

賦。南史

河間王琛得波斯千里馬。號追風。赤。其次有七百里馬十餘匹。皆

文玉類編 卷四十三 羽毛類 三



有名字以銀為槽金為鑲環。伽藍記

煬帝賜李景御馬一匹名師子駉。隋書

骨利幹產良馬首似橐它筋骼壯大一日中馳數百里其大酋因

使者獻馬太宗取其異者號十驥曰騰霜白曰皎雪驄曰凝露驄

曰懸光驄曰決波駒曰飛霞驃曰發電赤曰流金馭曰翔麟紫曰

奔虹赤。唐書

上所乘馬有玉花驄照夜白。明皇雜錄

郭子儀收復京師代宗賜以御馬九花虬并紫玉鞭轡馬高九尺

毛拳如鱗以身被九花文號九花虬。杜陽雜編

寇彥卿事太祖太祖賜以所乘愛馬一丈烏。五代史梁臣傳

杞國公薛懷讓好畜馬馳馬有大烏小烏者尤奇駿漢隱帝使求

之吝而不獻及罷節鎮環衛祿薄猶有馬百匹橐駝三十頭傾資

以給芻粟朝夕閱視為娛。宋史

威武將軍曲端有馬名鐵象日馳四百里

王珣武力絕人遇道士謂曰君之相甚奇他日因一青馬而貴珣

未之信居歲餘有客以青馬來鬻珣倍價買之後乘以戰其進退

周旋無不如意官至兵馬都元帥。元史

鍾同授御史上疏論時政遂及復儲事帝不懌封巨挺就獄中杖

之同竟死同之上疏也策馬出馬伏地不肯起同叱曰吾不畏死

爾奚為者馬猶盤辟再四乃行同死馬長號數聲亦死。明史

王禎為夔州府通判。會荆襄賊流劫入夔。禎孤軍捕賊。被執。大罵而死。部卒六百餘人皆死。自死所至府三百餘里。所乘馬奔歸。血淋漓。毛盡赤。眾始知禎敗。往覓屍。面如生子。廣鬻馬為歸貲。王同知得馬不償。直櫬既行。馬夜半哀鳴。同知起視之。馬驟前。嚙項。擣其胷。翼日嘔血死。人稱為義馬。

駝

鄯善國多駝。漢書

西域龜茲國歲朔鬪索駝。觀勝負。以下歲盈虛。孔帖

于闐有小鹿角細而長。與駝交生子。曰風脚駝。日行七百里。其疾如風。洽聞記

吐谷渾西北有流沙數百里。夏日有熱風。傷斃行旅。風之將至。老駝預知之。則引項而鳴。以口鼻埋沙中。人則以氊擁蔽口鼻而避其患。隋書

齊桓公西涉外國千餘里。中無水。時有伏流處。人莫能知。駱駝知水脉。遇其處。輒停不行。以足踢地。人於其踢處掘之。輒得水。博物志

迷密國正平元年遣使獻一峯黑駱駝。北史

貞元初關輔宿兵以飛龍駝負永豐倉米給禁軍。唐書

哥舒翰鎮軍於青海路既遠遣使常乘白駱駝以奏事。白駝日行

五百里明皇雜錄

梁祖言於昭宗曰。趙崇是輕薄團頭。於鄂州坐上。佯不識駱駝。呼為山驢。王遂阻三事之拜。南部書

驢

驢名長耳公。清異錄

代呼驢為衛。於文字未見。今衛地出驢。義在斯乎。或曰。以其有軸。有槽。譬如諸衛有胄曹也。因目為衛。資暇集

靈帝於宮中西園。駕四白驢。躬自操轡驅馳。以為大樂。於是公卿貴戚。轉相放效。至乘輜駟。以為騎從。互相侵奪。價與馬齊。後漢書戴良母喜驢鳴。良常學之。以娛樂焉。

左輔都尉諸葛恪。父瑾面長似驢。孫權大會羣臣。使人牽一驢入。題曰諸葛子瑜。恪乞筆益兩字。因續其下。曰之驢。舉坐歡笑。乃以

驢賜恪。吳志

王仲宣好驢鳴。既葬。魏文帝臨其喪。顧語同遊曰。王好驢鳴。可各作一聲以送之。赴客皆作驢鳴。世說

公孫軌為虎牢鎮。將發民驢以運糧。令驢主加絹一疋。乃與受之。百姓語曰。驢無強弱。負絹自壯。眾共嗤之。北史

王及善後為右相。無甚設施。惟不許令史輩將驢入室。終日驅逐。號驅驢宰相。朝野僉載

黔無驢。有好事者。船載以入。至則無可用。放之山下。虎見之。龐然

大物也。以為神蔽林間。窺之。愁愁然莫相知。他日驢一鳴。虎大駭。遠遁。以為且噬已也。然往來視之。覺無異能者。稍近。益狎。蕩倚衝。冒驢不勝怒。蹄之。虎因喜曰。技止此耳。因跳跟大嚼。斷其喉。盡其肉。乃去。柳柳州集

王昭素家有一驢。人多來假。將出。先問僮奴曰。外無假驢者乎。對曰。無。然後出。宋史

宋劉傅為陝西司法參軍。廉慎。罷官。無以為歸計。賣所乘馬。跨驢以歸。魏野以詩贈行曰。誰似甘棠劉法掾。來時騎馬去乘驢。澠水燕談

世祖嘗乘醉。騎驢入室中。明日見驢足跡。問而知之。自是不復飲酒。金史

牛

凡祭宗廟之禮。牛曰一元大武。禮記

穉牛之角直而澤。老牛之角終而昔。昔讀為交錯之錯。考工記

牛母為牝。牛父為牯。格物總論

介葛盧聞牛鳴曰。是生三犧。皆用之矣。其音云。問之而信。左傳

甯戚飯牛車下。而桓公任之以國。史記

百里奚爵祿不入於心。故飯牛而牛肥。莊子

老子乘青牛車。出函谷關。列仙傳

丙吉為丞相。嘗出逢人逐牛。牛喘吐舌。吉止駐。使騎吏問逐牛行幾里矣。或以譏吉。吉曰。方今少陽用事。未可太熱。恐牛近行用暑。

故喘三公典調和陰陽職所當憂是以問之。漢書

時苗爲壽春令駕車黃犝牛歲餘生一犢及去任留其犢謂主簿

曰令來時本無犢犢是淮南所生有也由此名聞天下。魏畧

苟晞都督青兗諸軍事每得珍物卽貽都下親貴兗州去治五百

里恐不鮮美募得千里牛每遣信旦發暮還。晉書

陳顯達諸子與王敬則兒並精車牛當世快牛稱陳世子青王三

郎烏呂文顯折角江瞿曇白鼻。南齊書

元仲景兼御史中尉每向臺恒駕赤牛時人號赤牛中尉。魏書

袁凱工詩有盛名性詼諧自號海叟背戴烏巾倒騎黑牛游行九

峯間好事者至繪爲圖。明史

羊

凡摯卿羔凡祭宗廟之禮羊曰柔毛。禮記

羊一名髯鬚主簿。古今注

古人說羊一名胡髯郎又名青鳥。述異記

五羊城在廣州南海縣初有五仙人騎五色羊而至故名。寰宇記

馮翊產羊名白沙龍膏嫩第一言飲食者必推之。清異錄

公會晉師於瓦范獻子執羔趙簡子中行文子皆執鴈魯於是始

尚羔。左傳

卜式取畜羊百餘入山牧十餘年羊致千餘頭時漢方事匈奴式

上書願輸家財以助邊上曰吾有羊在上林中欲令子牧之式旣

為郎布衣草躄而牧羊。歲餘羊肥息。上善之。拜式緱氏令。

漢書

甄宇為博士。建武中。每臘賜博士一羊。羊有大小肥瘦。時議欲投

東觀漢記

鉤。宇恥之。先取其最瘦者。由是不復有爭。京師號瘦羊博士。

黃初平年十五。家使牧羊。有道士將入金華山。其兄初起。行索歷

年得見。問羊何在。云在山東。兄往。但見白石耳。初平叱之曰。羊起。於是白石俱起。成羊數萬頭。

神仙傳

僖宗乾符中。洛陽建春門外暴雨。有物墮地如殺羊。不食。頃之入

地中。其跡月餘不滅。或以為雨工也。占曰當旱。

唐書

黃載士多從學。諸生醵會。市羊以備饌。載夢一羊前跪。請命晨出。

見羊跪如所夢。載以已緡償諸生。而畜其羊。

南唐書

馬仲方羊生羔鬻於屠肆。將割而再亡其刀。乃羔銜投溝中。屠者

感傷。不復屠羊。

括異志

狗

犬生三獾。二師。一獮。未成。毫狗。長喙。獫狁。短喙。獨獠。絕有力。狽狗。

也。狗四尺為獒。

爾雅

殷虞。晉獒。楚獠。韓盧。宋鵠。皆犬屬。

廣雅

高辛氏有犬戎之寇。募能得犬戎。吳將軍頭者。時帝有畜狗。其毛

五采。名曰槃瓠。遂銜人頭。造闕下。乃吳將軍首也。

後漢書

惟克商。遂通道於九夷。八蠻。西旅。底貢。厥獒。太保乃作旅獒。用訓

於王。

書經

晉靈公飲趙盾酒。伏甲將攻盾。先縱鬻狗名敖。公宰示昧。明為盾搏殺。狗盾曰。棄人用狗。雖猛何為。史記

跖之狗吠堯。非貴跖而賤堯也。狗固吠非其主也。戰國策

韓子盧者。天下之疾犬也。東郭逡者。狡兔也。韓子盧逐東郭逡。環

山者三。騰山者五。兔極於前。犬廢於後。

徐君宮人。娠而生卵。以為不祥。棄之。獨孤母有犬名鵠。倉銜以東

歸。獨孤母覆煖之。遂成兒。宮中乃更錄取。襲君徐國。後鵠倉臨死。

生角而九尾。寔黃龍也。博物志

茂陵少年李亨。好馳駿。狗逐狡獸。狗則有修毫釐。睫白望青。曹之

名楊萬年。有猛犬。名青駿。買之百金。西京雜記

陸機吳郡人。有駿犬名黃耳。甚愛之。既而羈寓京師。笑語犬曰。我

家絕無書信。汝能齎書。取消息不。犬搖尾作聲。機乃為書。以竹筒

盛之。繫其頸。犬尋路南走。遂至其家。得報還洛。其後因以為常。晉書

吳人華隆。好弋獵。畜一犬。曰的。尾每將自隨。隆後至江邊。被大蛇

圍繞。周身。犬遂咋蛇死。而隆僵仆。無所知矣。犬彷徨。嗥吠。往復路

間。家人怪其如此。因隨犬往。隆悶絕。載歸。二日乃蘇。未蘇之際。犬

終不食。自此愛惜。同於親戚。幽明錄

李信純。襄陽紀南人。養一犬。曰黑龍。愛之甚。行坐相隨。一日城外

飲酒。大醉。臥草中。時太守鄧瑕出獵。見草深。舉火爇之。犬見火來。

以口拽純衣。純不動。臥處比有一溪。相去三五十步。犬即奔往。入

水濕身來臥處周圍濕之火至濕處即滅獲免犬運水困乏致斃於側俄信純醒見犬已死遍身毛濕覩火踪跡因慟哭聞於太守太守曰犬之報恩甚於人命具棺衾葬之今紀南有義犬塚搜神記張彪守會稽陳文帝攻之彪敗左右皆發遣惟所養一黃犬名黃蒼在彪前後未曾捨離乃還入若耶山中文帝遣兵購之彪眠未覺黃蒼驚吠劫來便啣一人死及劫殺彪黃蒼號叫彪屍側若有哀狀彪妻殯彪黃蒼又俯伏塚間號叫不肯離為時所貴異南史張元芮城人村陌有狗子為人所棄者元收而養之其叔父怒曰何用此為元曰有生之類莫不重其性命若見而不收養非仁心也叔父感其言許焉未幾有狗母銜一死兔置元前而去北史

徐之才嘗與朝士出遊遙望羣犬競走諸人試令目之之才應聲云為是宋鵲為是韓盧為逐李斯東走為負帝女南徂北齊書

淳化中合州貢羅江犬甚小而性慧常馴擾於御榻之前每坐朝犬必掉尾先吠人乃肅然太宗不豫犬不食及上仙犬號呼涕泗以至疲瘠章聖初即位左右引令前導嗚吠徘徊意若不忍章聖令諭以奉陵即搖尾飲食如故詔造大鐵籠施素裯置鹵簿中行路見者隕涕後因以斃詔以被蓋葬於熙陵之側古今詩話

雞籠山國在澎湖嶼東北永樂時鄭和徧歷東西洋靡不獻琛恐後獨東番遠避不至和惡之家貽一銅鈴俾挂諸頸蓋擬之狗國也其後人反寶之富者至掇數枚曰此祖宗所遺明史



兔

兔曰明視。禮記

玉衡星散為兔。春秋運斗樞

兔望月而孕。口中吐子。故謂之兔。兔吐也。博物志

兔壽千歲五百歲。其色白。山中卯日稱丈人者兔也。抱朴子

赤兔王者德盛則至。白兔王者敬耆老則見。宋書

馮煖曰。狡兔有三窟。僅得免其死耳。戰國策

蔡邕母卒。廬於塚側。有兔馴擾其室。後漢書

趙王石勒時。荏平令獲黑兔獻之。晉書

裴子野居喪盡禮。每之墓所哭泣。有白兔馴擾其側。梁書

爾朱榮將討葛榮。軍次襄垣。獵有雙兔起于馬前。榮彎弓而誓之。

曰。中之則擒葛榮。並應弦而殪。及破賊。立碑於其所。號雙兔碑。魏書

華秋母終。廬於墓側。郡縣大獵。有一兔奔入秋廬中。匿秋膝下。獵

人至秋所。異而免之。自爾此兔常宿廬中。馴其左右。隋書

趙善應性孝。母生歲值卯。謂卯兔神也。終其身不食兔。宋史

奉御平山等射懷孕兔。世宗怒。杖平山。遂下詔禁射兔。金史

三月三日。國俗刻木為兔。分朋射之。國俗謂是日為陶里樺。陶里

兔也。樺射也。遼史

嘉靖十五年。太醫院吏目李乾獻兔。體備五色。以為瑞兔。明史

豕

豕曰剛鬣。禮記

壹發五豨。壹發五豨。言私其豨。獻豨于公。詩經

豬。燕朝鮮之間謂之豨。關東西謂之彘。或謂之豕。南楚謂之豨。其

子或謂之豚。或謂之豨。吳揚之間謂之豬子。方言

嶺南一種嬾婦豬。似山猪而小。常噉田禾。惟以機軸紡織之具置

田所。則不復近。虞衡志

朱浮以書責彭寵曰。往時遼東有豕。生子白頭。異而獻之。行至河

東。見羣豕皆白。懷慚而退。若以子之功論於朝廷。則遼東豕也。後漢

書

吳祐牧豕於長垣澤中。行吟經書。遇父故人謂之曰。卿二千石子。

而杖鞭牧豕。奈君父何。祐守志如初。東觀漢記

閔仲叔居安邑。家貧。不得買肉。但食豬肝。屠者或不肯與。令敕市。

後常買。輒得。仲叔怪問狀。乃歎曰。叔豈以口腹累安邑耶。遂去之。

莎車王殺于闐王。于闐大都未出城。見野豕。欲搏之。乃人語曰。無

殺我。我為汝殺莎車將軍。都末異之。即與兄弟共殺莎車王。張璠漢記

大蘭王九錫文云。大亥十年月日。北燕伯使使冊命大蘭王。宋袁淑集

陸逞為京兆尹。都界有豕。生數子。經旬而死。其家又有豨。送乳養

之。諸豚賴之以活。時論以逞仁政所致。周書

渭南有人寄宿他舍。夜中聞二豕對語曰。歲將盡。阿耶明日殺我

供歲。何處避之。答曰。可向水北姊家。因相隨而去。天曉。主人覓豕

不得意是宿客而詰之客言狀主人如其言而得豕隋書

劉胡兄弟以屠為業永安中胡殺豬豬忽唱乞命鄰人謂胡兄弟

相鬪來勸之乃豬也胡即捨宅為寺合家入道伽藍記

唐洪州有人畜豬以致富因號豬為烏金朝野僉載

偽唐陳喬食蒸豚曰此糟糠氏面目殊乖而風味不淺清異錄

神廟行後苑見牧豨豬者問何所用牧者曰自太祖來常令畜之

養至大則殺之又養稚者亦不知何用神廟命去之月餘忽獲妖

人欲血澆之禁中猝不能致方悟祖宗遠略宋趙葵雜錄

解縉吳溥與王良胡靖比舍居燕兵薄京城城陷前一夕皆集溥

舍縉陳說大義靖亦奮激慷慨良獨流涕不言三人去溥子與弼

尚幼歎曰胡叔能死是最佳事溥曰不然獨王叔死耳語未畢隔

牆聞靖呼外喧甚謹視豚溥顧與弼曰一豚尚不能舍肯舍生乎

須臾良舍哭飲鴆死矣胡靖即胡廣明史

貓

大蜡迎貓為其食田鼠也禮記

貓一名女奴采蘭雜志

貓目睛且暮圓日午則細如一線性陰而畏寒其鼻端四時皆冷

惟夏至一日溫其耳經捕鼠之後則有缺如鋸西陽雜俎

蕭良娣為武后所殺罵曰我後為貓使武氏為鼠吾當扼其喉以

報后聞詔六宮毋畜貓唐書

崔祐甫為中書舍人。會朱泚軍中。貓鼠同乳。表其瑞。宰相率羣臣賀。祐甫獨曰。可弔。不可賀。詔使問狀。對曰。禮迎貓為其食。田鼠以其為人去害。雖細必錄。今貓不能食鼠。而反乳之。無乃失其性耶。貓職不修。其應若曰。法吏有不觸邪。疆吏有不扞敵。代宗異其言。余在輦轂。至大街。見揭小榜曰。虞太博宅失去貓兒。白色。名曰雪姑。清異錄

連山張大夫搏。好養貓。衆色備有。皆自製佳名。每視事退。至中門。數十頭曳尾延頸。盤接而入。以綠紗為帷。聚其內。以為戲。或謂搏

是貓精。

南部新書

蘓軾上神宗書曰。養貓所以捕鼠。不可以無鼠而養。不捕之貓。宋史

紹興王子。詔宗正訪宗室入宮。擇二人。一肥一癯。思陵令二人並

立。忽一貓走前。肥者以足蹴之。上曰。此貓偶爾過。何為踢之。輕易

如此。安能任重。遂留癯而逐肥者。肥者名伯浩。終於溫州都監。宋稗

福建布政使朱彰。景泰初。謫為陝西莊浪驛丞。有西番使臣入貢。

一貓道經於驛。彰館之。使譯問貓何異。而上供。使臣書示云。欲知

其異。今夕請試之。其貓盛罩於鐵籠。以鐵籠兩重。納著空房內。明

日起視。有數十鼠伏籠外。盡死。使臣云。此貓所在。雖數里外鼠皆

來伏死。蓋貓之王也。明續編

袁煒才思敏捷。世宗中夜出片紙。命撰青詞。舉筆立就。輒極頌美。

帝畜一貓死。命儒臣撰詞。以醮煒。詞有化獅作龍語。帝大喜。悅煒

與李春芳嚴訥郭朴時謂青詞宰相。明史

鼠

鼯鼠。地中行者廣雅云鼯鼠也。田鼠也。今鼠狼春秋鼯鼠似鼯鼠。鼠方言云犁鼠即此。

鼯鼠。赤黃色大尾啖鼠亦名鼯鼠。鼯鼠亦名鼯鼠。許慎云鼯鼠五技。

鼠鼯鼠豹文鼯鼠鼯鼠。爾雅

鼠其壽最長。故俗稱老鼠。其性疑而不果。故曰首鼠。嶺南人食而

諱之。謂為家鹿。本草釋名

黃鼠。晴暖則出坐穴口。見人則交其前足拱而如揖。乃竄入穴。即

詩所謂相鼠有體。韓文所謂禮鼠拱而立者也。廣志

北方有層冰萬里。厚百丈。有鼯鼠在冰下出焉。其形如鼠。食草木。

肉重萬斤。可以作脯。食之已熱。其毛長可八尺。可以為蓐。臥之可以却寒。其皮可以蒙鼓。其聲千里有美尾。可來鼠。神異經

鼠壽三百歲。滿一百歲者則色白。善憑人而卜。名曰仲。能知一年

中吉凶。及千里外事。山中子曰稱社君者鼠也。抱朴子

李斯少時為郡小吏。見廁中鼠食不潔。近人犬。數驚恐之。倉中鼠

食積粟。不見人犬之擾。乃歎曰。人之賢不肖。譬如鼠矣。在所自處

耳。史記

張湯父為長安丞。出湯為兒守舍。而鼠盜肉。父怒。笞湯。湯掘窟得

盜鼠及餘肉。劾鼠掠治。并取鼠與肉。具獄磔堂下。其父遂使書獄。

臣聞社鼯不灌。屋鼠不熏。何則。所託者然也。中山靖王聞樂對

竇攸為郎世祖得鼠身如豹文熒有光澤問羣臣莫知攸曰名鼯鼠詔問何以知之攸曰見爾雅詔案視書如攸言賜帛百匹竇氏家傳

唐公昉舉宅昇仙雞犬皆去惟鼠惡其不淨不將去鼠自悔一月

三吐易其腸東廣微所謂唐鼠是也真仙通鑑

晉惠帝永嘉元年白鼠見東宮皇太子獲以獻宋明帝泰始三年

白鼠見樂安青州刺史沈文秀以獻宋書

景平中東陽大水永康蔡喜夫避住南壟夜有大鼠浮水而來伏

喜夫奴牀角奴愍而不犯每以飯與之水退喜夫返故居鼠以前

脚捧青絹紙裹二升許珠著奴牀前啾啾如欲語也異苑

盧若虛博物有獲異鼠者豹首虎臆大如拳辛怡諫謂之鼯鼠而

賦之若虛曰非也此許慎所謂鼯鼠豹文而形小一坐驚服唐書

王溥安仁人洪武元年擢河南行省平章初溥未仕時奉母葉氏

避兵貴溪遇亂與母相失凡十八年嘗夢母若告以所在至是請

歸省墳墓許之溥之貴溪求不得晝夜號泣居人吳海言夫人為

賊逼投井中死矣溥求得井有鼠自井出投溥懷中旋復入井汲

井索之母屍在焉乃具棺斂即其地以葬明史

穀玉類編卷四十七

休寧 汪兆舒果齋輯

穀玉類編卷四十八

鱗介類一

龍

蛟

鼉

蛇

魚

龍

鱗虫三百六十而龍爲之長。

孔子家語

龍春分而登天秋分而入川順也。

說文

有鱗曰蛟龍有翼曰應龍有角曰虯龍無角曰螭龍。

廣雅

蛟千年化爲龍龍五百年爲角龍千年爲應龍。

述異記

穀玉類編

卷四十八 鱗介類

一

寶真堂

黃龍者四龍之長。德至淵泉。則黃龍游於池。宋書

太皞氏有龍瑞。以龍紀官。號曰龍師。史記補

夏王禹南巡狩。濟江中流。有二黃龍負舟。舟人懼。禹笑曰。吾受命

於天。屈力以養人。生性也。死命也。奚憂龍哉。龍於是曳尾而逝。宋書

符瑞志

龍見於絳郊。魏獻子問蔡墨曰。吾聞蟲莫知於龍。以其不生得也。

信乎。對曰。人實不知。非龍實知。古者畜龍。故國有參龍氏。有御龍

氏。昔有董父好龍。能求其者。欲以飲食之。龍多歸之。乃擾畜龍。以

服事帝舜。帝賜之姓曰董。氏曰參龍。及夏孔甲擾於有帝。帝賜之

乘龍。河漢各二。各有雌雄。有劉累學擾龍以事孔甲。能飲食之。夏

后嘉之。賜氏曰御龍。龍一雌死。潛醢以食。夏后夏后饗之。既而使

求之。懼而遷於魯縣。獻子曰。今何故無之。曰。物有其官。官修其方。

其物乃至。龍水物也。水官棄矣。故龍不生得。左傳

鄭大水。龍鬪于時門之外。洧淵。國人請禱。子產弗許。曰。我鬪。龍不

我覲也。龍鬪。我獨何覲焉。禳之。則彼其室也。吾無求於龍。龍亦無

求於我。乃止。

子張見魯哀公。公不禮而去。曰。君之好士。似葉公子高之好龍也。

葉公好龍。鉤以寫龍。鑿以寫龍。羣室雕文以寫龍。於是天龍聞而

下之。窺頭於牖。拖尾於堂。葉公見之。棄而還走。失其魂魄。是葉公

非好龍也。好夫似龍而非龍者。新序



宣帝時黃龍見新豐後間歲改元為黃龍。漢書

青龍元年春正月甲申青龍見摩陂井中二月丁酉幸摩陂觀龍

於是改摩陂為龍陂。魏志

黃龍元年樊口武昌並言黃龍見孫權即位改年為黃龍。吳志

陶侃少時漁於雷澤網得一織梭以挂於壁有頃雷雨自化為龍

而去。晉書

僧涉者西域人苻堅時入長安能以秘祝下神龍每旱堅常使之

咒龍請雨俄而龍下鉢中天輒大雨堅及羣臣親就鉢觀之

燕王慕容皝時有黑龍白龍各一見於龍山皝率羣僚觀之祭以

太牢二龍交首嬉翔解角而去皝赦其境內立龍翔寺於山上

宋文帝初為荊州刺史有黑龍見西方五色雲隨之少帝廢入奉

皇統在道有黑龍躍負上所乘舟左右失色上曰此夏禹所以受

天命我何德以堪之。南史

高祖軍頓西昌有龍見於水濱高五尺許五采鮮耀軍民觀者數

萬人。陳書

貞觀中汾州言青龍白龍見白龍吐物在空中有光如火至地陷

入二尺掘之烏金也形圓斜廣尺餘高六七寸。唐書

世宗初在遼陽一日方寢有紅光照其室黃龍見於室上八月復

有雲氣自西來黃龍見其中人皆見之大定十四年次紉里古日

午白龍見於御帳之東小港中既而乘雷雲而上尾猶曳地良久

北去金史

太祖神冊五年射龍於拽刺山陽水上其龍一角尾長足短身長五尺舌二尺有半勅藏內府遼史

太祖在滁嘗濯手於柏子潭有五蛇擾而就之因祝之曰如天命在予汝其永附焉一日戰畢羣坐藉土蛇忽蜿蜒其側帝乃掩以兜鍪頃復報戰亟戴兜鍪而往是日手刃甚衆軍法戰勝必祭甲冑衆推帝功居多乃置兜鍪於前甫奠忽霹靂大震白龍天矯自兜鍪中出挾雷聲握火光騰空而去諸將自是畏服明剪勝

蛟

蛟龍屬也無角曰蛟說文

水虺五百年化為蛟述異記

季夏之月命漁師伐蛟禮記

荆有飲飛者得寶劍還涉江有兩蛟夾繞其船飲飛拔劍赴江刺

蛟殺之荆王聞之仕以執珪呂氏春秋

潁河有潛蛟爲人害楚公子芊乙射之蛟死邑人爲立廟按其處

名逃蛟澗方輿勝覽

武帝南巡狩自尋陽浮江親射蛟江中獲之漢書

周處膂力絕人長橋下蛟爲人害處乃投水搏蛟蛟或沉或浮行

數十里而處與之俱經三日三夜果殺蛟而反晉書

鄧遐勇力絕人沔水中有蛟常爲人害遐拔劍入水蛟繞其足遐

揮劍截蛟數段而出

鼉

鼉一名土龍。鱗甲黑色。能橫飛。不能上騰。抱跚然之體。隨月以運。

續博物志

物志

鼉欲雨則鳴。故里俗以鼉識雨。埤雅

鼉宵鳴如柷鼓。今江淮之間。謂鼉鳴為鼉鼓。亦謂鼉更。以夜鳴。其

數應更故也。晉安海物記

孫亮初。公安有白鼉。鳴。童謠曰。白鼉鳴。龜背平。南郡城中可長生。

守死不去。義無成。明年。諸葛融鎮公安。見襲。鼉有鱗介。甲兵之象。

晉書

鄧景山節度淮南。有鼉集城門。鄧班曰。鼉。介物也。失所次。金不從革之象。其有兵乎。未幾。宋州刺史劉展反。唐書

蛇

騰。騰蛇。鱗王蛇。蝮虺。博三寸。首大如擘。爾雅

山中見巨蛇冠幘者。名曰升卿。呼其名則吉。淮南子

蚺蛇性淫。南越人取之者。率徒手呼紅娘子。或投婦人褰衣覆之。

則伏不動。惟人所牽曳。屠刺。潛確類書

常山之蛇名率。然有兩頭。觸其一頭。頭至。觸其中。則兩頭俱至。孫

武以喻善用兵者。博物志

鄭厲公自櫟復入。即位。初。內蛇與外蛇。鬪於鄭南門中。內蛇死。居

六年厲公果復入。史記

叔孫敖之爲兒也。出遊而還。憂而不食。其母問其故。曰。今日吾見兩頭蛇。恐死無日矣。母曰。今蛇安在。曰。吾聞見兩頭蛇者必死。恐他人又見之。已殺而埋之矣。母曰。無憂。吾聞有陰德者。天必報之。以福。叔敖果不死。賈誼新書

隨縣有斷蛇邱。昔隨侯出行。見大蛇傷。救而活之。後蛇銜珠以報。搜神記

高祖初爲亭長。夜徑澤中。有大蛇當徑。高祖拔劍斬蛇。後人來至。蛇所有老嫗夜哭。人問何哭。嫗曰。吾子白帝子也。化爲蛇當道。今爲赤帝子斬之。故哭。嫗因忽不見。史記

竇武官至大將軍。初武母產武。而并產一蛇。送之林中。後母卒。及葬。有大蛇自榛草而出。徑至喪所。以頭擊柩。涕血皆流。俯仰蜷屈。若哀泣之容。有頃而去。後漢書

宋高祖微時。伐荻新洲。見大蛇長數丈。射之傷。明日復至洲裏。見童子數人。青衣擣藥。問其故。答曰。我王爲劉寄奴所射。合散傳之。帝曰。王神何不殺之。答曰。寄奴王者不死。南史

虞愿爲晉平太守。郡出蚺蛇。膽可爲藥。有餉愿蛇者。愿不忍殺。放二十里外山中。一夜蛇還牀下。復送四十里外山。經宿復還。故處愿更令遠。乃不復歸。論者以爲仁心所致。南齊書

梁武帝與宮人幸元洲苑。見大蛇盤屈於道。羣小蛇繞之。並黑色。

宮人曰恐是錢龍帝以錢十萬貫鎮於蛇處以厭之。南史

孔道輔為寧州推官有蛇出真武殿中一郡以為神州將率官屬往奠拜之欲上其事道輔徑前以笏擊蛇碎其首觀者初驚後莫不嘆服。宋史

解神速姑宗室人名能知蛇語。遼史國語

葉宗人授錢塘知縣嘗視事有蛇升階若有所訴宗人曰爾有冤乎吾為爾理蛇出遣隸尾之入餅肆爐下發之得僵屍蓋肆主殺而瘞之也遂伏法。明史

京師西山寺有二青蛇大者長五丈二三小者長四丈五六如人至僧乃呼蛇以酒食飼之二蛇輒引喙出入無憚人或繞蛇身旋

轉一過謂之不絕人身故謂之曰蛇菩薩。即大青小青二龍隋僧虛師攝此○西樵野記

魚

魚有力者黻魚枕謂之丁魚腸謂之乙魚尾謂之丙。爾雅

武王伐殷渡河中流白魚躍入王舟中。史記

伯魚之生也魯昭公以鯉魚賜孔子孔子榮君之賜故名曰鯉。孔子

家語

公儀休為魯相客有遺魚者不受客曰聞君嗜魚何故不受相曰以嗜魚故不受也為相能自給魚今受魚而免誰復給我魚者。史記

莊子與惠子游濠梁之上莊子曰儵魚出游從容是魚樂也惠子

曰子非魚安知魚之樂耶莊子曰子非我安知我不樂魚之樂。莊子

魚鱗介類

昆明池有魚被釣。綸絕而去。見夢武帝求去其鈎。帝明日戲于池。見大魚銜鈎去。鈎放之間三日。帝于池濱得明珠一雙。曰豈魚之報耶。三秦記

盧度隱居西昌三顧山。屋前有池養魚。皆名呼之。魚次第而來。取食而去。南齊書

寶誌對梁武帝食鱸。帝曰。朕不知味。二十餘年師何必爾。誌乃吐出小魚。鱗尾依然。今金陵鱸殘魚是也。高僧傳

黃滔為王審知推官。一日饋之魚。滔為謝牋。其略曰。銜諸斷索。纔從竿續懸來。列在瑇盤。便到馮驩食處。時人稱之。五代史補

王璉薦授寧波知府。自奉儉約。一日饌用魚羹。璉謂其妻曰。若不

憶吾啖草根時。耶命撤而埋之。人號埋羹太守。明史

蔣瑤調揚州知府。武宗南巡至揚。瑤供御。取具而已。諸嬖倖皆怒。會帝漁。獲一巨魚。戲言直五百金。江彬即昇瑤。責其直。瑤懷其妻簪珥。袿服以進。曰。庫無錢。臣所有惟此。帝笑而遣之。

占城國有鰐魚潭。獄疑不決者。令兩造騎牛過其旁。曲者魚輒躍而食之。直者即數往返不食也。

鰕

鰕多鬚。善遊而好躍。蓋假物而遠者也。爾雅翼

閩中五色鰕。長尺餘。具五色。梅鰕。梅雨時有之。蘆鰕。青色。相傳蘆葦所變。白鰕。青鰕。各以其色。泥鰕。相傳稻花變成。多在田泥中。一

各苗鰕。又海中有鰕姑。狀如蜈蚣。云管鰕。

鯧大鰕。出海中。鬚長數尺。可以為簾。爾雅注

海鰕。皮殼嫩紅色。腦殼與前脚有鉗者。色如朱土。人多製為杯。謂

之鰕杯。嶺表錄異

吳人謂杜宇為謝豹。杜宇啼時。漁人得鰕曰謝豹鰕。老學庵筆記

廣中邕容道。常有鰕隨雨而至。謂之天鰕。蓋為海風攝至者。番禺記

舜攝天子。有援耳貫胷之民。來獻珠鰕。金樓子

有丹鰕。長十丈。鬚長八尺。馬丹嘗折鰕鬚為杖。洞冥記

滕脩為廣州刺史。或語脩鰕鬚長一丈。脩不信。其人後至東海。取

鰕鬚長四丈四尺。封以示脩。脩乃服。交廣記

趙抃鎮蜀時。以白鰕寄開化余氏。放之池中。生息不絕。或畜他所

鰕。色輒變。因名白鰕池。廣輿記

穀玉類編卷四十八

穀玉類編卷四十九

休寧 汪兆舒果齋輯

鱗介類二

龜

蛤 龜

蚶 鼈

螺 鼈

蟹

蚌

甲蟲三百六十而龜為之長。

孔子家語

一曰神龜。二曰靈龜。三曰攝龜。四曰寶龜。五曰文龜。六曰筮龜。七

曰山龜。八曰澤龜。九曰水龜。十曰火龜。龜三足。賁。

爾雅

一曰北斗龜。二曰南辰龜。三曰五星龜。四曰八風龜。五曰二十八



宿龜六曰日月龜。七曰九州龜。八曰玉龜。凡八名龜。各有文在腹下。文云云者。此某龜也。史記

神龜之象。上圓法天。下方法地。背上有盤法邱山。黝文交錯以成列宿。轉運應四時。長尺二寸。明吉凶。不言而信。禮統

龜百歲一尾。千歲十尾。二百歲為一總龜。千歲曰五總龜。千歲一聚。問無不知。孔帖

元武。即龜之異名。龜水族也。水屬北。其色黑。故曰元。有甲能捍禦。故曰武。世人不知。乃以元武為龜蛇二物。緯畧

陶唐之世。越裳國獻千歲神龜。方三尺餘。背上有科斗書記開闢以來。帝命錄之。謂之龜曆。述異記

禹導川夷。岳黃龍曳尾於前。元龜負青泥於後。元龜河精之使者也。龜領下有印文。皆古篆字。作九州山川之字。禹所鑿之處。皆以青泥封記。拾遺記

禹受舜禪。洛出龜書六十五字。是為洪範。宋書符瑞志

南方老人用龜支牀。足行二十餘歲。老人死。移牀。龜尚不死。龜能行氣導引。史記

元封三年。數過國。獻能言龜。東方朔曰。惟承桂露以飲之。上欲卜命。朔問焉。言無不中。洞異記

吳時有人入山。逢大龜。擔之。遇夜。纜舟於岸。見老桑呼龜曰。元緒。汝當死矣。龜曰。子明無苦也。雖盡南山之樵。不能潰我。對曰。諸葛

恪明敏禍必及子明日其人將龜獻吳王命煮之三日不死遂問諸葛恪恪曰此龜有精須老桑為薪煮之既燃即爛述異記

毛寶軍人有於市買得一白龜長四五寸養之漸大放諸江中邾

城之敗養龜人被鎧持刀投於水中如墮一石上視之乃先所養

白龜長五六尺送至東岸遂得免晉書

明帝泰始二年四眼龜見會稽六眼龜見東陽八眼龜見吳興宋書

唐劉彥回父為湖州刺史有下僚於銀坑得一龜長一尺持獻刺

史云得此壽千歲使君謝已非其人自送龜至坑所後刺史亡彥

回為房州司士將家屬之官屬山水暴溢惶懼不知所適俄有大

龜引至淺處歷十餘里乃至平地得免其夕彥回夢龜云昔在銀

坑蒙先使君之惠故相報廣異記

仁宗至和元年信州貢綠毛龜徽宗政和四年瑞州進六目龜五

年博州進白龜宋史

宋楊炎微時畜一龜大二尺餘每日餉以飯餅其家有事必先報

喜則跳躍凶則下淚試之無不驗者潛確類書

明太祖孝陵開壙時有白龜十餘皆飛去僅獲一頭頃變為石龜

用銅繩鎖入匣內置孝陵殿中香案上至今宛然雅俗稽言

王汝玉歷遷右贊善仁宗在東宮特被寵遇羣臣應制撰神龜賦

汝玉第一解縉次之明史

總督胡宗憲獻白鹿者再帝喜告謝元極寶殿及太廟進宗憲秩

百官表賀已。宗憲獻靈芝。五白龜。二帝益喜。賜金幣鶴衣。告廟表賀如初。不數日龜死。帝曰。天降靈物。朕固疑處塵寰不久也。

鼈

鼈三足曰能。爾雅

其肴維何。魚鼈鮮魚。詩經

踴步不休。跛鼈千里。荀子

鼈無耳而目不可以警。精於明也。○朱鼈浮波。必有大雨。淮南子

鼈之所在。必有浮沫。謂之鼈津。捕者以此占之。埤雅 廣要

公父文伯飲南宮敬叔酒。以露睹父為客。羞鼈焉。小睹父怒。相延食。鼈辭曰。將使鼈長而後食之。遂出。國語

清河宋士宗母化為鼈入水。晉書

尚書崔悅家將會客。夜夢十九人。着青綠羅衣。拜告求生。既寤見

甕中有鼈。正十九頭。遂詣水次放之。玉堂閒話

南唐僧謙光有才辯而無拘檢。性尤嗜鼈。國主嘗以從容語及釋

氏果報。對曰。老僧無他願。但得鷺生四隻腿。鼈著兩重裘。足矣。國

主大笑。五代史補

鼈

鼈鼈之大者。闊或至一二丈。又鼈介虫之元也。以鼈為雌。鼈鳴鼈

應。爾雅翼

一名河伯使者。古今注

設正類編

卷四十一 鱗介類

四

寶鏡堂

季夏之月命漁師取龜禮記

禹濟巨海則龜鼉而為梁拾遺記

楚人獻龜於鄭靈公公子宋與子家將見子公之食指動以示子家曰他日我如此必嘗異味及入宰夫將解龜相視而笑公問之子家以告及食大夫龜召子公而弗與也子公怒染指於鼎嘗之而出左傳

齊景公渡河龜銜左驂沒之眾皆惕古冶子拔劍從之至砥柱之下乃左手持龜頭右手挾左驂躍而出搜神記

江夏黃氏之母浴而化為龜入於深淵其後時出見初浴簪一銀釵猶在首後漢書

黃河中舊不生龜石季龍時有得者以獻佛圖澄歎曰桓溫入河其不久乎溫字元子後果如其言

韋丹未第時於洛陽中橋見漁者得一大龜長數尺繫之橋柱引頭四顧有求救之意丹以乘驢贖之放於水中徒步而歸後數日詣葫蘆生問命生與共往元長史家有老人元濬之向韋盡禮款待出文字一通授之曰公一生官祿行止聊報活命之恩即此龜也原化記

蟹

蟹一名蛭廣雅曰雄曰蜎蜎雌曰博帶古今注云小蟹一名長卿山海經載千里蟹今恩州出石蟹儋州出紅蟹殼上十二點深臙

脂色。北戶錄

蟹八腕而二螯。水虫殼堅而脆。團臍者牝。尖臍者牡也。外骨內肉。

旁行。故里語謂之旁蟹。梓人注曰。仄行蟹屬是也。性走明。漆見之。

而輒解。名之曰蟹。似出於此。稗雅 廣要

蟹八月腹中有芒。真稻芒也。長寸許。向東輸與海神。未輸芒不可

食。酉陽 雜俎

山中辰日稱無腸公子者蟹也。抱朴子

出師下寨之際。或見蟹。則稱為橫行介士。以安衆心。蟹譜

善苑國貢一蟹。長九尺。有百足四螯。因名百足蟹。洞冥記

興化府壺公山頂有泉出石穴中。每禱雨。見雙蟹出立。應因名蟹。

井。廣輿記

王吉夜夢一彭蜺在都亭。曰。翼日當舍此。覺而異焉。使人候之。見

司馬長卿至。吉因呼彭蜺為長卿。卓文君一生不食彭蜺。成都 故事

曹翰征幽州。卒掘土得蟹。以獻。翰曰。蟹水物而陸居。失所也。且多

足。彼援將至。不可進。拔之象。况蟹者解也。其班師乎。已而果驗。宋 史

張根母嗜蟹。母終。根不復食。

宋初通判常與知州爭權。有錢昆者嗜蟹。嘗求補外郡。人問其所

欲。曰。但得有蟹。無監州處則可。歸田錄

初杭俗嗜蝦蟇。而鄙食蟹。時有農夫田彥升者。家於半道。紅性至

孝。其母嗜蟹。彥升慮其鄰比鬪笑。嘗遠市於蘇吳間。熟之以布囊。

負而歸俄而楊行密將田頔兵暴至鄉人皆竄避於山谷糧道不接或多餒死獨彥升挈囊負母竟以解免時人以為純孝之報焉

蟹譜

陶穀奉使吳越忠懿王宴之因食蟪蚌詢其族類忠懿命自蟪蚌至彭蚶凡十餘以進穀曰真所謂一蟹不如一蟹也

聖宋拾遺

仁宗內宴十門分各進饌有新蟹一品二十八枚帝曰吾尚未嘗枚直幾錢左右對直一千帝不悅曰數戒汝輩無侈靡一下箸需錢二十八千吾不忍也置不食

聞見錄

西湖蟹稱天下第一陸放翁詩久厭羶葷愁下箸眼前湖上得雙

螯蟹畧

### 蚌

蚌含漿

蚌一名含漿周禮謂之貍物

蚌虻

蚌一名虻蚌屬長而狹者為虻

蚌小者珧

爾雅

月望則蚌蛤實羣陰盈月晦則蚌蛤虛羣陰摯

呂氏春秋

蚌蛤珠胎與月虧全

吳都賦

洞庭有巨蛤如舟深夜展殼吞吐明珠與月爭輝漁者百計取之

卒莫能得

風土記

瓊蚌晞曜以瑩珠

江賦

馬牧城東三里有蚌城相傳云飢年民結侶採蚌止憩其中故因

為名

盛弘之荊州記

鄴有鮎埼亭顏師古曰鮎音結蚌也長一寸廣二分有一小蟹在

腹中埼曲岸也。其中多鮎。故以名亭。漢書注

有黑蚌。飛翔來去於五嶽之上。昔務成子遊寒山。得黑蚌在高崖之上。故知黑蚌能飛矣。拾遺記

趙且伐燕。蘇代為燕謂趙惠王曰。臣過易水。蚌方出曝。而鵲啄其肉。蚌合而箝其喙。鵲曰。今日不雨。明日不雨。必有死蚌。蚌曰。今日不出。明日不出。必有死鵲。兩者不肯舍。漁父得而併擒之。戰國策

蛤

蛤有三。蛤蠣。千歲鳥所化。海蛤。百歲燕所化。魁蛤。一名復老。服翼所化。說文

毛蛤曰蠍。尖蛤曰齊蛤。小蛤曰麈。薄蛤曰蚌。稜蛤曰蚶。蓋其形

殊。故其名亦不一也。山堂肆考

季秋之月。爵入大水為蛤。禮記

方諸大蛤也。熟摩拭令熱。以向月。則水生。續博物志

隋高祖嗜蛤。所食千萬矣。忽有一蛤。椎擊如舊帝異之。置几上。夜有光。及明。肉自脫。中有一佛二菩薩像。帝悲悔。誓不食蛤。酉陽雜俎

蚶

魁陸。魁蛤一名魁陸。卽今之蚶。爾雅

千歲蝙蝠化為魁陸。別名為蚶。形似瓦屋。蚶子贊

蚶子因盧鈞作鎮。改為瓦屋子。以其殼稜如瓦壠。故名。嶺表錄異

蚶之太者。肉味佳。今浙東以近海田種之。謂之蚶田。臨海異物志

蚶中有紫色肉而滿腹。廣人尤重之。多燒以薦酒。俗呼為天嚮炙。亦謂之蜜丁。廣志

孔戣為華州刺史。明州歲貢淡菜蚶蛤之屬。戣以為自海抵京師。道路役凡四十三萬人。奏罷之。遷國子祭酒。會嶺南節度使死。憲宗謂裴度曰。嘗論罷蚶菜者誰歟。度以戣對。即拜嶺南節度使。唐書

螺

羸小者蝸。爾雅

祭者共羸。周禮

海螺鳴。主大風。吐光。主陰雨。元珠集

邽山濛水出焉。有螺魚身而鳥翼。見則其邑大水。山海經

蓬萊山有大螺。名躑步。負其殼露行。冷則復入其殼。生卵著石。則輒取之。則堅。明王之世。則浮於海際焉。拾遺記

扶南海有大螺如甌。從邊直旁截破。因成杯形。或合而用之。螺體

蜿蜒委曲。酒在內。自注傾覆。終不盡。以伺誤。相罰為樂。南州異物志

海螺大如小拳。青黃色。長四五寸。諸螺中此肉最厚。南人食之。又

有狀如螺。中實如石。大如豆。名郎君子。一名相思子。有雌雄。口內

含熱。置醋中。雌雄相逐。逡巡便合。即下卵。如粟者為真。藏篋中。積

歲不壞。婦人難產。手把之。即生。正字通

鸚鵡螺。形似鳥。故以為名。常脫殼而遊。則有虫如蜘蛛。入其殼中。

螺夕還。則此虫出。庾闡所謂鸚鵡內遊。寄居負殼者也。異苑



晉安郡書生謝端性介潔嘗於海岸得一大螺大如米斛剖之中有美女曰予天漢中白水素女天帝矜卿純正令為君作婦端以為妖呵遣之女歎息升雲而去述異記

隋劉臻性好啖螺北史

吳湛居臨荆溪一日得白螺歸置囊中後每自外歸則廚中飲食已辦大驚異潛窺之乃女子自螺中出吳趨之女不能歸殼乃曰吾泉神也以君敬護泉源上帝命吾操饌言訖不見夷堅志

穀玉類編卷四十九

休寧 汪兆舒果齋輯

穀玉類編卷五十

昆蟲類

蠶 蠅 蛙

蜂 蚊 蚓

蟬 蜘蛛 蟻

蝶 蟋蟀

螢 螳螂

蠶

蠶為龍精日直大火則浴其種蠶書

黃帝元妃西陵氏始教民育蠶治絲繭通鑑

光武建武二年野蠶成繭被於山阜人收其利焉後漢書

南陽范克為吳桂陽太守教民植桑養蠶民得利益謝承後漢書

蠶最巧作繭往往遇物成形有寡女獨宿不寐私於壁孔中視隣

家蠶箔明日繭多類之望去隱然如愁女蔡邕市歸縑絲製琴絃

彈之有憂愁哀慟之聲說林

文帝元嘉十六年宣城宛陵廣陵野蠶成繭大如雉卵彌漫林谷

年年轉盛宋書

太宗貞觀十二年滁濠二州野蠶成繭唐書

天寶中益州獻三熟蠶白淨與常蠶不殊

仁宗景祐四年靈河縣民黃慶家蠶自成被長二丈五尺闊四尺

嘉祐五年深州野蠶成繭被於原野宋史

章宗承安元年平晉縣民利通家蠶自成錦段長七尺一寸五分

闊四尺九寸詔賜絹十疋金史

楊廉夫嘗論蠶有六德衣被天下生靈仁也食其食死其所以答

主恩義也身不辭湯火之厄忠也必三眠三起而熟信也象物以

成繭色必尚黃素智也繭而蛹蛹而蛾蛾而卵卵而復繭神也此

六德也簷曝偶談

山東野蠶成繭李至剛請賀成祖不聽明史

蜂

土蠶木蠶爾雅

莫予荇蜂自求辛螫。螟蛉有子。蜾蠃負之。蜾蠃土蜂也。詩經

其大而有蜜者曰壺蠶。穿竹木作孔者謂之笛師。揚雄輶軒絕代語。

竹蜂出蜀中。好於野竹上作窠。窠如雞子。有蒂長尺許。蜜皆紺色。

甘倍常蜜。西陽雜俎

蜂采百花。俱置翅間及股間。惟蘭花則拱首入房。以獻於王。亦知

蘭之貴如此。近峰聞畧

蜂誅罰微令絕嚴。有君臣之義。有兩衙應潮。其主之所在。衆蜂旋

繞衛之。朝衙畢。方出採花。暮衙畢。方入房。埤雅

葛元有道術。嘗與客對食。口中飯盡成大蜂數百。飛行作聲。良久

張口。羣蜂還飛入口。元嚼之。又成飯。神仙傳

貞元八年。吳明國貢鸞蜂。蜜。其蜂之聲有如鸞鳳。而身五色。大者

重十餘斤。為窠於深巖峻嶺間。大者占地一二畝。國人採其蜜。不

過二合。如過度。則有風雷之異。食之令人長壽。髮白反黑。杜陽雜編

會同四年。神燻車有蜂窠成蜜。史占之吉。遼史

王庸母卒哀毀。有蜜蜂數十房。來止其家。歲得蜜蠟。以供祭祀。元史

太祖登極後。命數星士徧行天下。遇有年月日時與御誕同者。以

聞於某處。得一人。名問之。村民也。無以為生。惟養蜂十三窠。每年

割蜜自贍耳。上曰。是也。朕有十三省布政。汝有十三窠蜂。大小不

同。統轄無異。遂謂命不足信。勞以酒食。明興雜記

蟬

蝟。蜋。蜩。蟪蛄。螿。蜻。蜻。蠶。茅。蜩。蝻。馬。蜩。蜩。寒。蜩。蛭。蚱。蟻。蟻。蠅。爾雅

仲夏之月。蟬始鳴。仲秋之月。寒蟬鳴。禮記

昔人稱雞有五德。至於寒蟬。才齊其美。而莫斯述。頭上有綏。則其

文也。含氣飲露。則其清也。黍稷不享。則其廉也。處不巢居。則其儉

也。應候守節。則其信也。陸雲寒蟬賦序

蟲之清潔。可貴惟蟬。潛蛻棄穢。飲露能鮮。萬物皆化。人胡不然。郭璞

贊蟬

蟬名齊女者。何齊王之后。忿王而死。變為蟬。登庭樹而鳴。王悔恨。

故世名蟬曰齊女。古今注

朱异除中書郎時。秋日有飛蟬。正集异武冠上。時咸謂蟬珥之兆。

南史

唐時京城遊手。夏月採蟬貨之。唱曰。只賣青林樂婦人。小兒爭買。以籠懸窗戶間。亦有驗其聲長短為勝負者。謂之仙蟲社。清異錄

蝶

蛺蝶一名野蛾。一名風蝶。江東呼為搥末。色白背青者是也。其大

者或黑色。或青斑。名為鳳子。古今注

蛺蝶一名春駒。採蘭雜志

蝴蝶或白或黑。或五彩皆具。惟黃色一種。至秋乃多。蓋感金氣也。

丹鉛錄

嶺表有鶴子草。蔓花。當夏時開。形如飛鶴。翅羽嘴皆全。蔓上春生

雙蟲食葉。收入粉奩。以葉飼之。老蛻為蝶。赤黃色。女子收佩之。令

人愛悅號媚蝶。北戶錄

鬼蛺蝶大如扇。四翅好飛荔枝上。黑蛺蝶大如扇。橘蠹所化。北人

云真武蝶。桂海蟲魚志

羅浮山有蝴蝶洞。在雲峯巖下。古木叢生。四時出綵蝶。世傳葛仙

遺衣所化。羅浮山志

劉魯封云。滕王蛺蝶圖。有名江夏斑。大海眼。小海眼。村裏來。菜花

子。酉陽雜俎

昔者莊周夢為胡蝶。栩栩然胡蝶也。俄然覺。則蘧蘧然周也。不知

周之夢為胡蝶與。胡蝶之夢為周與。莊子

沈麟士隱居讀書。製黑蝶賦以寄意。南史

高梁山有漢武帝廟。至今祭者。往往有二百蝴蝶降祠所。享其食。

近之不驚。徹膳然後去。時謂武帝侍從。捉之者必致病。夷堅雜錄

俗傳大蝶必成雙。乃梁山伯祝英臺之魂。又韓憑夫婦之魂。皆不

可曉。山堂肆考

三月三日。宮中諸妃。悉撲蝶以為戲。明皇宮中春宴。令妃嬪各插

艷花。帝親捉粉蝶放之。隨蝶之所止。幸之。謂之蝶幸。開元遺事

林培為新化知縣。民有死於盜者。不得禱於神。隨蝴蝶所至。獲盜。

時驚為神。明史

吳郡施槃嘗作蝴蝶詩曰。莫怪東風多落魄。三春應作探花郎。正

統己未。果狀元及第。懸笥瑣探

螢

季夏之月腐草為螢。禮記

螢火即焰。爾雅

螢火一名耀夜一名景天一名熠燿一名丹良一名燐一名丹鳥

一名夜光一名宵燭。古今注

螢火却馬。注云取螢火裹以羊皮置土中馬見之鳴却不敢行。淮南

萬畢術

丹鳥羞白鳥丹鳥也者謂丹良也白鳥也者謂蚊也其謂之鳥者

重其養也凡有翼者為鳥羞也者進也不盡食也。大戴禮

戊子曰以螢為丸能却矢漢武威太守劉子南得其方合而佩之

嘗與虜戰為其所圍矢下如雨離數尺輒墜地不能傷虜以為異

乃解去。藝文類聚

光熹元年秋張讓段珪劫少帝及陳留王走小平津帝與王夜逐

螢火光行數里得民家露車共乘還宮。後漢書

煬帝於景華宮徵求螢火得數斛夜出遊山放之光徧巖谷。隋書

蠅

營營青蠅止于樊豈弟君子無信讒言。詩經

昌邑王賀夢青蠅之矢積堦東西可五六石以問龔遂曰陛下在

側讒人眾多願皆放逐之賀不用其言卒至於廢。漢書

光武報隗囂書曰蒼蠅之飛不過數步即託驥尾得以絕羣。後漢書

王思性急執筆作書蠅集筆端驅去復來思恚怒自起逐蠅不能得還取筆擲地踏壞之。魏畧

秦王苻堅將為赦與王猛苻融密議於露堂悉屏左右堅親為赦文有一大蒼蠅入自牖間鳴聲甚大集於筆端驅而復來俄而長安街巷人相告曰官今大赦有司以聞堅驚謂融猛曰禁中無耳屬之理事何從洩於是勅外窮推之咸言有一小人衣黑衣大呼於市曰官今大赦須臾不見堅歎曰其向蒼蠅乎。晉書

庠狄伏連性愚狠居室患蠅杖門者曰何故聽入。北史

武儒衡為中書舍人時元稹倚宦官知制誥儒衡鄙厭之會食瓜

蠅集其上儒衡揮以扇曰適從何處來遽集於此一坐失色。唐書

術士相牛僧孺若青蠅拜賀方及第公疑之及登科歸有青蠅萬餘作人行立折躬再三若賀拜狀良久乃去。青陽記

天順朝都御史陳智性急暑日坐廳事一蠅拂其面即叱左右捕之左右故東西馳騫作擒拏狀伺其怒定乃罷。雪濤小說

酒匠見蒼蠅投酒瓮即取放乾地上以灰擁其體蠅得活如此日久救蠅數多後為盜扳不能白獄成主刑者援筆欲判決蠅集筆尖揮不去因疑其冤詳問之則誣也呼盜一訊遂釋之。好生編

蚊

秦謂之蚋楚謂之蚊。方言

俗云蚊有昏市益蠅成市於朝蚊成市於暮傳曰聚蚊成雷謂其

市之時也。坤雅廣要

荆州高齋。盛夏之月無白鳥。餘齋則聚蚊之聲如雷矣。數丈之間。如此之異。吁可怪哉。金樓子

嶺表有樹如冬青。實生枝間。形如枇杷子。每熟即拆裂。蚊子羣飛。惟皮殼而已。土人謂之蚊子樹。嶺南異物志

蚊母鳥。形如青鷁。背大而長。於池塘捕魚而食。每叫一聲。則有蚊蚋飛出其口。俗云。采其翎為扇。可辟蚊子。亦呼為吐蚊鳥。嶺表錄異

閩門沙盆潭。獨無白鳥。帳幕可已。與滇中寶珠寺。荆州李姥浦同。致虛雜俎

河內人並河而見。人數千萬。如黍米遊動往來。以火燒之。皆是蚊

蚋。故呼蚊曰黍民。古今注

吳猛少有孝行。夏日常手不驅蚊。懼其去已而噬親也。晉書

辛普明至性過人。與兄共處一帳。兄亡。以懸靈牀。蚊甚多。而終不侵螫。南史

孫謙居身儉素。牀施籬條。屏風。夏日無幃帳。而夜臥未嘗有蚊蚋。梁書

沈倫好釋氏。盛夏坐室中。恣蚊蚋啗其膚。童子秉箠至。輒叱之。宋史

蜘蛛

蠨蛸在戶。詩經

蠨蛸一名長脚。荆州河南人謂之喜母。幽州人謂之親客。詩義疏



昔有母子離別。母見蟪蛄垂絲著衣。則曰子必至也。果然。故名曰喜子。子思其母亦然。故號曰喜母。均之一物也。採蘭雜志

太昊氏師蜘蛛而作網罟。爾雅翼

晉公子重耳見蜘蛛布網。謂舅犯曰。此蟲也。猶布網曳繩。執蟲而食。人不能廓垂天之網。曳絡地之繩。供食前之御。曾此蛛之不若也。遂發憤而霸。晉史乘

滎陽有厄井。相傳漢祖為雍齒所追。投匿井中。有蜘蛛結網蔽其井口。得脫。汲黯為滎陽守。立神蛛廟祀之。郡國志

樊將軍噲問陸賈曰。自古人君皆云有瑞應。豈有是乎。賈曰。有之。乾鵲噪而行人至。蜘蛛集而百事喜。况人君處重位乎。西京雜記

楚國龔舍初隨楚王朝。宿未央宮。見蜘蛛大如栗。四面縈羅網。有蟲觸之而罾者。退而不能得出焉。舍乃歎曰。吾生亦如是耳。仕宦者人之網羅也。豈可淹歲。於是掛冠而退。時人笑之。謂舍為蜘蛛之隱。金樓子

七月七日夜。宮女各捉蜘蛛於小盒中。至曉開視。蛛網稀密。以為得巧之候。民間亦效之。天寶遺事

學士鄭綱一日將入戶。蟻子滿室懸絲。去地一二尺。不知其數。翼日拜相。酉陽雜俎

宣孝太子侍宴於常武殿。典食令涅合進粥。有蜘蛛在粥盃中。涅合恐懼失措。太子從容曰。蜘蛛吐絲乘空。忽墮此中耳。豈汝罪哉。

高皇帝初起太學。臨視之。見蛛布網屋隅。曰。我纔建屋。爾輒據之。耶顧呵之出。語訖而蛛遁。從茲遂絕。明庚巳編

蟋蟀

蟋蟀。一名蜚。亦名青蛩。楚人謂之王孫。幽州人謂之促織。里語曰。促織鳴。懶婦驚。是也。爾雅

五月斯螽動股。六月莎雞振羽。七月在野。八月在宇。九月在戶。十

月蟋蟀入我牀下。詩經

季夏之月。蟋蟀居壁。禮記

蟋蟀一名吟蛩。秋初生。得寒則鳴。古今注

道超從靈基寺旻法師學。蟋蟀鳴壁。中書郎張率謂曰。蟲聲聒耳。

能無忤耶。答曰。時聞此聲。足代簫管。高僧傳

鬪蛩之戲。始於天寶間。長安富人。鏤象牙為籠。而蓄之。以萬金之

資。付之一喙。負喧雜錄

賈似道不事朝政。於半閑堂。日據地鬪蟋蟀。宋史

螳螂

仲夏之月。螳螂生。螳螂一名蜎父。一名天馬。禮記

不過。螳螂。不過一名螳螂。方言云。潭魯以南謂之螳螂。三河之域。謂之螳螂。燕趙之際。謂之食厖。齊杞以東。謂之馬谷。

莫貊。螳螂。莫貊一名螳螂。一名蚌。捕蟬而食。有臂若斧。奮之當軼。不避江東。呼為石娘。又名齧肱。爾雅

芒種之日。螳螂生。是謂陰息。周書時訓

螳螂世謂之天馬。以其驤首奮臂。頸長而身輕。其行如飛。有馬之

象高誘注南子注

女知夫螳螂乎。怒其臂以當車軼。不知其不勝任也。是其才之美者也。莊子

齊莊公出。有螳螂舉足。將搏其輪。問其御曰。此何蟲。曰。螳螂也。其為蟲。知進而不知退。不量力而輕就敵。公曰。以為人。必為天下勇士矣。於是迴車避之。而勇士歸之。韓詩外傳

蛙

在水曰鼃。爾雅

蝦蟇一名蟾蜍。一名黽。一名去甫。一名苦蠶。本草釋名

井蛙不可以語海者。拘於墟也。莊子

越王句踐見怒鼃而式之。御者曰。何為式。王曰。鼃有氣如此。可無式乎。士人聞之曰。鼃有氣。王猶式。况人之有勇者乎。韓子

惠帝嘗在華林園。聞蝦蟆聲。謂左右曰。此鳴者為官乎。私乎。其蒙蔽皆此類。晉書

孔稚珪門庭之內。草萊不剪。中有蛙鳴。或問曰。欲為陳蕃乎。稚珪笑曰。我以此當兩部鼓吹。何必期效仲舉。南齊書

卞彬文多指刺。其蝦蟇賦云。紆青拖紫。名為蛤魚。世謂比令僕也。沈僧昭少事天師道。及為山陰縣。梁武陵王紀宴池亭。蛙鳴聒耳。

王曰。殊廢絲竹之聽。僧昭咒厭十許。鳴便息。日晚。王欲其復鳴。僧昭曰。王歡已闌。今恣女鳴。即便喧聒。南史

長慶中秋之夜有人玩月見林中光燭天如匹練其人尋視之見

一金背蝦蟆

西陽雜俎

羅隱錢塘夜宴留別郡守詩云簞簞調高山閣迥蝦蟆聲促海濤

寒

江南以木柝警夜故曰蝦蟆更。唐詩鼓吹

熊鼎為浙江僉事分部溫台寧海民陳德仲支解黎異異妻屢訴

不得直一日覽牒有青蛙立案上鼎曰蛙非黎異乎果異止勿動

蛙果勿動乃逮德仲鞫實立正其罪

明史

太醫院例於端陽日差官至南海子捕蝦蟆擠酥以合藥製紫金

錠其張大其事備鼓吹旗旛誼闔以往或嘲以詩曰抖擻威風出

鳳城喧喧鼓吹擁霓旌穿林披莽如虓虎捉得蝦蟆剜眼睛

長安客話

蚓

孟夏之月蚯蚓出仲冬之月蚯蚓結

禮記

蝻蚓蟹蝻

蝻一名蟹蝻江東呼為寒蚓爾雅

蚯蚓土精無心之蟲交不以分淫於阜螽觸而感物乃無常雄

郭璞

贊

蚯蚓一名蜿蟺一名曲蟺江東謂之歌女或謂之鳴砌

古今注

蚓無口而聲揚

慎子

瓊州地名胸臆胸臆蚯蚓也故土多此蟲常至夜江畔出其身半

跳於空而鳴其形胸臆

劉賓客嘉話

按月令螻蛄鳴蚯蚓出蓋蚯蚓與螻蛄同處鳴者螻蛄非蚯蚓也

吳人呼螻蛄為螻蛄。故諺云：螻蛄叫得腸斷，曲蟻乃得歌名。席上腐談  
五日午時於韭畦面東不語。取蚯蚓乾之，謂之六一泥。為魚鱖者，以少許擦咽外即消。荆楚歲時記

劉先生俊為國子監祭酒，好食蚯蚓。監生名之曰蚯蚓子。玉堂叢語

蟻

蚍蜉大螳，小者螳。螳，打螳。蠃，飛螳。其子蚘。爾雅

十二月元駒賁。元駒，蟻也。賁者，走於地中也。大戴禮

蟻名蠶蟻，一名石宮。大者為蚍蜉，小者為蛾蚋。齊魯之間謂之蚍

蠶。梁益之間謂之黝駒。詞林海錯

秦中多巨黑蟻，好鬪，呼為馬蟻。酉陽雜俎

蟻封穴戶，大雨將至。蟻知將雨也。易林

蟻聞竹雞之聲，化為水。博物志

焯炭斷道，行蟻自回。倦遊錄

螻蟻之有君臣也。一拳之宮，與衆處之一塊之臺，與衆臨之一粒之食，與衆蓄之一蟲之肉，與衆師之一罪無疑，與衆戮之一化書

齊威公伐孤竹，返行山中無水。隰朋曰：蟻冬居山之陽，夏居山之陰。蟻壤一寸而仞有水。公使人掘之，果得水。韓子

董昭之乘船過錢塘江，江中見一蟻，著短蘆，惶遽垂死。昭之繫蘆著船，至岸蟻得生，夜夢一人烏衣來謝，云：僕是蟻中王，君有急難，當見語。歷十餘年，劫盜橫錄，昭之繫餘杭獄，昭之自惟蟻王夢取。

兩三蟻祝之。暮果夢昔烏衣人云。可急去。入餘杭山。於是便覺蟻攻。柵械已盡。因得出獄。遇赦遂得免。齊諧記

武定四年。神武將西伐。自東西魏構兵。鄴下每先有黃黑螳陣。鬪占者以爲黃者。東魏戎衣色。黑者。西魏戎衣色。人以此候勝負。是時黃螳盡死。神武圍玉壁不克。未幾病薨。北齊書

墊江縣吏冉端。父死卜地。掘深丈餘。遇蟻城方數丈。城內分徑街。小垤相次。每垤有蟻數十。樓中有二大蟻。一紫色。長寸餘。足金色。一有羽。細腰白翅。疑雌者。旣掘露。蟻擾擾若求救狀。端懼而掩之。

西陽雜俎

宋庠肄業太學。春試罷。遇一僧謂曰。公丰神頓異。似曾活數十萬。

命者。庠曰。貧儒何力及。是僧曰。不然。蜻翹之物。皆命也。庠俯思良久。曰。旬日前所居堂下。有蟻穴。爲暴雨所侵。羣蟻繚繞穴旁。吾編竹橋以渡。僧曰。是也。及唱第。庠爲第一。長編

程頤爲崇政殿說書。聞哲宗在宮中。盥而避蟻。問有是乎。帝曰。然。誠恐傷之耳。宋史



